



12371

見素集卷之二十二

書

復王曰良憲長

承惠教及致二泉書仰知執事遠有源緒樹蘆汰濁使吏
墨一洗公之蠹無所宿萬目炯炯焉閩長臬自貴藩來者
馬鈞陽高鍾秀亦次之執事尋溫舊學具二泉之體以大
發二公之施勳聲所及殆踵二公且立乎其右位遇之小
小未足言也人回謹此附賀餘惟寶愛萬萬

見素集卷之二十二

書

乙

答姚東泉方伯

前楊都閩舍人回附書想達日來聞伍公入覲未審出本
懷抑未然執事任之望實兼隆行且擔荷天下事凡便利
必縮已先人匪但先之且一付之大艱阻患害必引歸之
我無難死之而無悔庶大賢以上作用以力挽古風固不
在泛泛炫才猷取位遇而已也區區平生守此以定川中
軍前功則歸人過則歸己道義交親眼中執事者敢吝生
耶先大夫墓碑松厓嘗屬舊寅未見消息昨守仁舍姪轉
托衢守任甚力繼寄聲謂由大關亦難致恐惑江令推詞
抑誠重也由鄞覓溫船由海較易執事無憚為力或假胡

孫男及祖重梓

後學黃佐校



振之先生或相知爲力祈在必致區區道不孝之罪僅此
也餘惟保愛萬萬

復黃都運

承翰教意懷而詞工及近覩集中數序日進老蒼而健雄
雋永古名家奚異前者讓地今其下低頭之拜矣執事質
素美年力富強而加以信好之篤又惡不至哉政聲廉問
東來甚躋有體有用有文此全品也世道幸賴焉加愛加
愛承諭葉郡伯光大廉整素聞深企而慕之第不欲數數
通書以林居格例未由輕易也會中幸致是意區區近銷
削德不加進而文思衰落益重二賢之好而時邁之慚也

見素集卷之三十三

書

二

陳時周尚未舉子近患目幾盲天於大賢困薄之若此不
具

復王曰良

承過獎借及推衣繕勤一臂未由膺腑相信執事知己吾
二泉宜及屋烏之愛也感感僭有私論甫一掌平田餘皆
山斜鱗次用力加而收効少自辛未失收徵租致變及是
連荒六年今尤甚間至並村無種鄉農啼怨謂望食于田
反爲田而食也方收濕穀石錢二百晚禾多死間蘇者復
出杖子不作穗故今歲之荒並以前數歲而然也此亦莆
澆薄之召然回天活人尚賴當道爲力其通融填補之法

往年延建米派納于莆者爲市民所攬價多至一兩今第
責納七錢則石省三錢納價者利也給軍多祇四錢半見
關米湮臭不直三錢今與五錢則給價者利也以其積余
作正每十石可長四石則公之補額又利也莆米價六錢
五分亦常事今如其數每十石亦長三石抵莆歲派之數
扣補額外尚可增萬四千則公私俱利且以杜攬納之年
取惟倉官難爲意使見數支放亦稍利之民所深望者奏
免不得已則多派折色勘災恐軍食之難不敢作八分荒
數幸偕二司諸公告大巡議行損上益下道在是矧民貧
已極幸留之意至祝

見素集卷之二十三

書

三

遷定啓

父挹芬菁未由一瞻光靈茲者爲弱子遷擇所宜相姓曰
楊宜德曰令仲愛宜卜如于鳳之飛曰吉請命于見素曰
曰嘗聞之型冶諒自有異弟其以媒通焉承報命曰諾無
任慰浣謹消昕納采而脩其定事俗其敢有異乎所私幸
者王之倚松之附所懸注而待者桃之天冰之未泮所自
意以厚望者葛之覃螽斯之羽以基有麟趾振振之盛林
前正嗣徽焉菲幣鑿入卽辰金氣布清惟自玉以膺休祉
萬萬

復胡士寧

先輩李忠定公文集承表揚入梓節義文章甚幸甚幸序
文謬委朱晦翁陳正獻公二序齊七政而參兩儀燭火醯
鷄爭明擬大無過歟然徽烈曠舉義當大書尚容呈臺原
本先僭校奉納更屬賢者覆校古所謂校書如掃落葉傳
示萬古未易也字大恐費紙亦須如忠定行狀大書刻者
須擇人庶不虛是集也昔旱極穀二百四十錢四錢銀矣
看數日登場何如漳賊聞四五百劫永德已近仙界仙巨
家已移入莆適聞北虜又橫柰何柰何折糧似不可已時
周尊堂是月十九謝世時周右目似不可愈又加瘡子消
息茫然斗大之屋箭風之地識者皆謂不可居渠力無能
見素集卷之二十二

書

四

易而心切自信目雖起於憂時憂母憂子之故亦矮屋熟
不可堪而然天於大賢君子大是無意也賜米決辭則喪
葬家食何自濟意前奏政章其廉貧非專爲養親也謹告
不次 適又聞永春覆鼎復重被燒劫德化承澤黃廷魁
文學家亦被劫且近鄭司徒家矣莆涵頭懲往年之禍亦
來城問房幸檄府衛集兵操守及往仙遙振軍威并備長
鎗弓弩砲石守城池

答胡侍御

嚮承尊翰厚懷滿紙三復愧慰憲節北指不及走送豈勝
遙勤執事方重爲繩糾之翕張其駟鄒賊策無遺運遠邇

有餘快崇風素右廉節經紀忠定之遺文惠安之遺業時
周之遺骸謂今而有是盛歛畏歛畏似聞區區亦在念中
固未敢謂誠然誠然重區區之愧也涼薄世韻寡諧世味
素亦淡方四十五已歛而寂矣五召僅二以赴以火篩孔
棘君相不安于席平藍義在金革且闔豎恣毒時也然猶
足是日西辭疏是日以北繼是念許月六七陳懷方幸骸
骨爲雲庄之雲消滅耳矣今加六十有六去謝事僅四年
即有所付筋力何由支衰鈍之老尾壯盛英穎之行白洲
翁無前監耶且鄉論猶有僞君子之譏海內謬以賤姓名
上者或留中或取忤不惟不能出亦不可出矣明於壯而

見素集卷之三

書

五

昧於老又忍蹈龜山跡耶未上幸亟中止又聞承致委曲
于牌坊之間斯固表律大端前輩循以無改者也區區敢
故立異私意有無害無亦無害故三數大巡惠念賤朽與
賤子達者皆力奉辭以今之受異前之辭義無敢以尤厚
獨處也飲德則已過矣謹附衷曲望速行罷若謂已致不
可反汗微聞張今親達子之惠尚輸郡藏中併以易粟人
周一石可四百許實惠與賤父子受惠均也幸垂台照時
周今併其乃尊墓爲砌石及俟奏立表約湏六十之數親
知賙儀亦足矣無煩別處附代一謝餘惟吾道寶愛萬萬

復馮郡伯

承諭龍蟹之辯破惑千古直以壺山爲郡之望躬走禱其
下爲民之心近道者之舉古出禱山川靡神不舉近遣大
臣出祀五嶽是意也但京師去五嶽遠此歷歷在望旣聚
諸神於壇則境內山川皆屬仰叩晨夕有事義有主者輟
一日之往固無害遣官代往亦無害莆山主紫帽與九華
壺公皆雲出雨候爲常作三告文香燭帛菓酒遣三學官
分告輕車裹糧絜虔將事使誠上通而下無所與爲擾執
事主禱于壇而誠聯屬之一取應法也請擇請擇是時遲
且急矣傳君至一甘雨也爲執事得寅賀爲民得賢理官
賀不具

見素集卷之三

書

六

復陳峰湖

別來無任懸注每取道西湖則扣門看竹浮青澄碧回翔
而後去固欲速主人歸駕以共命煙霞然具諸體者未大
施而食諸家者亦未見其誠裕固未宜數數然以引去爲
高也知愛僭論廷佩方伯用世才也區區病其太淹聞有
以江津事容安宇立劾議之江津殺一憲官縛一憲官內
地俱搖而川之勁兵調征藍以盡此時非此權處可以無
蜀不錄其功而媒孽以成其過後日爲國家任事者誰人
哉甚矣求人之太深也當其時所慰意者一廷佩自它高
飛遠舉廷佩循故格且後焉以與無爲而立安寧者比其

然乎其然乎庭荆晚意方屬翁方伯附勤不謂遽此惠致
錫重百朋具見交愛感慰無任人回書謝餘惟自王爲世
道光重不宣

復王陽明

廷言大叅回承致書惠兼審憲紀霜肅道况王潤漳寇畢
功尋轉而經畧贛之新闢儒爲世道賴固然而值今一遇
有餘嘅焉執事中立時行運醇鎮燥以大收儒効少違枘
鑿將欲委唾殘棄之其不誠知輕重大丈夫哉夫假通以
行志猶欲強尺枉以望尋之直直不得分而枉不可反汗
孰肯立一恕以庇吾瑕哉腹心之言同道僭論以嘆世也

見素集卷之三十二

書

七

達子承論及渠材猶可教區區甚難渠舉之若易惜不立
堅苦志玩日愒月竟之無所似適子文亦異常局學較博
然亦欠堅苦負美材執事幸竝下嚴督之教收之弟子之
末道風吹鼓固不在門墻間也至惠至惠余惟吾道多愛
不宣

與張廣漢

承致教翰兼審畿輔肅清優力有湖州經略之吾望實擢
付固然也抑此頑獷之常意同之蘇世浩爲類蘇擇言一
撫而自縛以出矧執事之素諒已上畢師之捷矣近時可
慮當不止此擔荷大事海內群屬非交私諛言也自愛自

愛時周承遠賻感感曹憲副時中定菴華亭人子良粹求
物品時敏公之上文學尤過之今年八十四細楷草書精
絕區區眼中尤與者南臺嘗舉自代撫臨幸訪其廬遠則
延致表異張憲副芝廷毓歛人端靜好學在大理已有清
苦名與如賓東所相類爲楊月湖獨與聞久未克葬恐亦
撫下一事歆發廉退須此流人否則將不可爲俗矣蘇州
文辭不但學與藝高聞甚有行實祗奔乃尊太守之喪盡
卻祭賻亦人所難區區意潘南屏惟此生可繼不知然否
達廷宣幸嚴督教餘惟多愛不具

答程侍御

見素集卷之二十三

書

八

酷熱歷民隱求之昨天旱地震亡命者戢戢然相聚群欲
肆奪食以執事之方落其魁也自阻是行蓋首賴焉欲爲
下郡謝且道愛私以例不入臺附在楮使且且復瀆表坊
不蒙遂已深荷悃顧夫以一事而拜列執事三數之辱名
甚正意甚勤古賢君子受之矣辭誠若過第前辭後受誠
不欲異處也昔闔于文之朝不及夕也每朝王爲設脯糗
設剛逃已則復入謂不欲勤民以自封也今列執事處某
無與勤民而某之自處若涉自封故屢以辭請非誠有矯
惟諒而許之與拜賜均也地震多且異恐有兵荒之變幸
先事爲易之圖王道長天宇風采甚佳希道傾注余惟爲

道保愛萬萬

答楊邃庵

李亞叅林廷元來兩辱書惠兼審獨樂綠野與造化爲朋
徒任降位極之勞別一仙人界區區受用此幾二十年
閒飯時方起私意仙亦未然疏食水飲無事分樂天一日
當二日尚亞者第未得借丁卯雲庄之席以話疇昔缺陷
世界也廷元道巾服猶未脫筭謹附見素巾小深衣奉上
所少者小冠與條此易辦也適子記誦筆下似優其兄然
不下著實功夫古文詩亦懶作幸爲我痛斥之阿翁言不
足渠信也族弟典有問學有古行三十五年官借路費
見素集卷之二十三

書

九

具

答鄭少谷

友聲相逐雲龍下上於山連水截之間何幸餘年吾與也
仰間价至長書雅調讀且快且媿焉不謂誤愛如許勿更
道勿更道譜敘受役有愛哉儲殖庵乃尊壽篇三十年不
落筆何椒丘碑文抑縮十五年以父繩引梓人之前與所
謂畏蜀如虎者非歟執事允所畏也然當強副舊譜本附
在淵友至覆視不敢落也不敢落也會城孟郡丞乃祖銘
先世與子若孫名諱官系欠詳幸屬并示克相豈城中同

董獨少聞亦無之若天假館職決平視篁墩圭峰而過幸
道堅定適子承念感感瘡未全脫去學亦落固精神不逮
亦無志遠大然也寶惠反壁拙詩近山齋選數篇執事幸
敘爲重朔日城中水敗數百家區區心力盡始祖邵州公
忠烈祠去且半懷抱欠清河魚坐苦書欠儵情照

寄楊月湖

久不奉教言吾人例去形迹林居無害自晦執事亦爾踈
斷似未宜達子書常道愛念亦豈懶筆研然耶近聞甚異
伏枕嗚邑對妻子不能言亦不敢言固知悟徃易若轉丸
及自有默相顯護之妙然亦憂墜之所過計也執事士夫
見素集卷之二十三
書
十
之觀慎重達子幸教之窮理盡性養靜力行鎮雅而視官
如無守義而視身如棄通圓巧宦吾道之所無取也百年
流瞬養士收用庶在此餘惟保愛萬萬

答王天宇

月之下旬二日一野人傳致執事書者問之茫不能對啓
緘知發自崇安歸驂諒已決矣東巡臺望聳聽而服深嫉
嚇腐之梟鴟遡高翔之鴻鵠持是而徃而荷重而歛之寂
如鳥鳴春雷鳴夏虫鳴秋冬而以風鳴無入不自得矣和
杜心聲兼到近毛汝礪寄至數十首亦良是來賢誠可畏
矣古者任天下之重心爲之主而學以副之區區竊是心

者而學則不逮則固委吾分所當以畢吾志來諭謂不能忘世而亦不必用世此懷仁揆智大人君子之事非區區之所得當亦欲執事之所終副也事固有可爲有不易爲者自愛自愛母讓母讓時周荷勤縋吾道盛舉然渠地所非人所居無獨一草屋短陋已也力不能遷士夫群強之且議助之卒不可竟之宗枋弗嗣後之者孤孱一昧再一誤則若敖氏之鬼不食豈不哀哉僭爲之處書附伍方伯想到矣即未然當附奉見吾人是心執事即發閩亦或有所終惠也楊李二司空白齋幸致意楊司寇未及致奠幸唁其子餘惟吾道多愛萬萬

見素集卷之二十一

書

十一

啓泉山翁

嚮歲碧卿近德卿希韶三姻契圉疊承詩屺異魚及利瞻登科錄盛惠兼審令孫炫亦省祖而至一門樂事誰及之首春道况清佳夫以望九之年應泛周旋禮意勤懼至簡答題封亦自手出天厚元老精神福祉超絕一世黃職方鞏又一時周鄉國後賢可畏也學步數詩具別柬小屺爲春官新還之賀餘惟願養天和爲後學型冶是望

答劉德夫提學

陳石峰乃弟玉光來承轉致戴長壽白齋書且謂執事若有疑書問之簡者區區山中人也在位率無書要地尤斬

所以絕間一致執事趣尚同也格當如此執事書來山中何嫌白齋傳稿附上教正渠書幸屬的當人寄上視到恐遺落也得回書尤幸吳匏庵集羅圭峰全集有重本幸惠從學族弟與其姪守仁皆吾道中人可與者余不具

答二泉

忠烈碑銘已登石惜莆僻一隅無善書者刻者摹印者奉呈增愧容春堂集盡讀快幸今而後知作家有人惜衰頹無鞭策處耳如命作序殊見卑弱覆瓿耳矣山齋所選拙詩達子奉呈未未呈令鄭文學爲取上痛去而十一存之浦友來賢可畏愛藉聲意勤次小江贈蒲履二詩奉咲不

見素集卷之二十一

書

十一

寄毛汝礪

承大作瀾卷旣又累長緝達子聯舟偸道養充學進風操愈以白憲節方重山立不移持是以徃信暮靄朝嵐銷滅之世觀惠賴例不作書賢者禮宜殊謹此布謝并附數詩陳時周已古人繼之者黃伯固林汝敦林孚可皆一流人恐欲知餘惟多愛不具

與蔡我齋

久不相見執事古道自處人急我緩人取我卻固可窺其隱矣茲者拳拳舊典之復孰敢有非者然事壞易而救難

革之道當革也必已日乃孚革而信又革而當其悔乃亡其固未易爾矣執事先求之我使上下相安俟時而革固相期以此運天下非獨一學校禮節間也朔日決湏一出馮公頗吾人氣味居今求人以全難容面既不具

答孫德成

承惠何文肅公碑書刻與材精絕加以亭使文肅自辨計無逮此一事而大可該也幽明有餘慰矣喜幸連日感感謝謝惜謏劣無足以發如盲繪天文肅無已之榮俊無已之愧也謚始得之乃孫之書今篆入碑首倘未具依此補之已具祗於空處細刻略云公尋謚文肅碑已製書闕謹

見素集卷之二十三

書

十三

補數語如何題名之委江藩多巡視後始專巡撫故借易題額幸尊裁并拙文竄定碑石信州稍可然材與書與刻俱不逮蘇刻完幸同文肅公碑致數本至祝

與馮行健

數進士來訪謂執事慨然復坐講甚善惟跪謂近時通行若在分名不在跪不跪重輕間也區區出學又廢坐講增府揖增跪禮均不知出何時數進士謂故不見跪禮方思源離學纔二年則起自余爲近白齋處學校過和不應起跪禮則有所求爲近當其時僚友爭之諸生賤惡之則可復爲近執事古道自將誠不在跪不跪恐未有以余事告

者未了也且蔡郡博一泥古不通士然避要任散亦世所難是惟容之爲上光武處一大以遂子陵之高越石父請絕晏嬰禮爲上客范宣子讓其下皆讓成人固成已也謹用奉告幸示厚處萬萬

與席方伯

蔡宗交樂道耳貧外物無足介其意璞玉渾金祥風瑞日將慕程伯子之和以藏叔子之介自閨門以至酬物無一不足人師莆士無福爲異已所中當道誤聽輕處之義在必去誰復能留其所以調幹遲滯使托校文爲臺察地也又深文繩之過矣過矣賢者爲我而去已大不幸而前後

見素集卷之三

書

函

所歷五月之俸僅支一月齋夫僅支四兩諸生黍補節儀分毫無干此在吾輩均之未能且家貧何恃能去而和粹從容有問即引過無纖毫尤人及不豫之色此非素養純深其能至此哉以故人心益服敬之慕之得其題跋數字爲榮村落小夫求識面以去例以一郡而天下後世之公可推歸獄將有在矣聞疑士夫右之夫附要同情孰肯群然右去位之一教且諸生屬歲監臨獨無思及此與執事名古意又首二司幸力調幹勿使惜今日如惜僞學時也區區首在疑列猶刺刺無避斯文扶衰不吾人誰耶且當道有世講氣定之悔將終身予德不然將自幸與黨籍之

采蓋齒資俱長諸士先屬將何謝耶列位同此山中無書
不別具

與馮郡伯

痘疹甚慘豕禍亦大作臈月迅雷已乃雪春正月至
三月後多陰晦恒雨恒雷水溢田麥菜無望高者亦甚
八雷二月發聲臈月正月爲失時爲陽氣不固恒爲政
不一之象且雷陽也雪陰也旣雷則不當雪皆失節之
象恒雨爲狂之罰與陰晦不解皆爲陰盛侮陽下謀上餘
亂未解之証夫人心天地之心怒則震雷甚雨喜則和風
麗日執事廉剛果斷是爲陽明之象僚屬亦無甚疵政不
謂之陰豈咎不在此在彼歟然不幸此地見之竊意行屬
修省以祈晴朗及間有如致旱隕霜之漸亦運幹其間人
心悅則天意順倘謙讓無力幸托今大巡公救解則今日
所運用之一郡者固一面之寄臺省之峻烈也會中容面
不具

見素集卷之二十一

書

十五

見素集卷之二十三

後學黃佐校正

孫男及祖重梓

書

復潘孔修

得書始聞太夫人之訃居鄉坐井誠是也悲戀之餘緬想
孝忱畏仰畏仰計時已襄事苦塊割裂當過毀自裁執事
有宗祊之責也某近幸得請食雞棄肋已決昔年而生龜
脫筒始諧初志酬元亮之樂而未已希文之心道然也香
數炷致勤靈下不宣

見素集卷之二十三

書

乙

復蔡介夫

承致先大夫祭文且讀且泣腸裂心刺而魂喪以飛謹以
宣之靈筵存沒悲感過前值執役荒塚又殞落之時言說
不敢自將諒悉是狀也晚節此退大是明白請同辦居鄉
道理以畢餘年曉夕祝老天祚宋而已不具

寄陳東所

柴桑諧往方幸接農談侶漁話與風煙猿鳥爲徒而宿疾
載嬰隱憂時作嗣是有先君子之喪天禍不相貸如此讀
禮孤廬紙筆無味雲鴻便否無從知若自棄外罪愧罪愧
承寵高文伏讀增愧求副之勤雖老猶有餘念焉不具

與谷書

厚惠教言盈紙疇昔捧讀悲感直房春餅轉瞬二十有七年衰容敗質復見不能無故我之疑握手出涕頽然復笑以倒也元樞大拜天下固將以君實伯起望公夫用特異者望特異宗社華夷將寄命于公天下士民將陰受其賜者欽賀欽賀某晚年諸疾盡指不能數先生知我獨不爲謀一骸骨地耶賊想旦夕平有此賊有此兵陝便不如若閩浙人齏粉矣斯亦謀國至幸不具

性甚怕冷又甚怕熱醫書謂之元氣不足兩年來尤苦夏月日午一衫不能容湏靜坐室中或荔陰之下此豈施之

見素集卷之三

書

二

臨人涉秋即重綿冬則敝裘大布至重不可舉南方如是北方又何如且賤性直突易觸禍故自四十五時已決歸非獨今老病時也閩有生擒不宜斬之議夔保尚請兵自衛通巴諸城躍足可進趨之可倒也八萬之賊屯隔一程寅策馬而已已至監禁則誨盜解之會城水行兩月餘陸行十七八日兵辦賊猶乏里甲邑若空生野且不可仗解何人僻處山縣押又何官深林險箐一雨則溪高數丈候守數日不可濟防又何術且四處從賊如歸自是而賊氣沮賊從散下著者心困苦也就中率多曲容某平生有薄事耶撫尋遂而雨久溪漲賊不得如期疑阻中變豈天固

不欲容之耶大挫之後而又撫之謂罪固當誅殺非吾願
仁無不愛生誠吾心賊曰吾罪已深加之劫縣無望生理
然藍五時以不聽撫怨群輩曰林豈謊我輩的人今都應
他話再何處朶渠亦自公論也

荅西涯翁

得報知又乞休又未蒙允元樞大老宗社生靈士夫一大
命脉也容舍哉椒寢方馨前星立耀然范景仁婁寅亮之
所謂大慮大計慰祖宗之靈以係屬華夷之心者似或一
道某俗樊再入以膠局絕通透之人而當此紛結不可解
之任覆餗泛駕其所也兩川題目想成文安寧左牧副憲

見素集卷之三十三

書

三

盤糧無數題目皆復出效平生不識避事亦不識薄待人
亦不敢私作事天上落來之禍無亦自有數耶辭疏未知
得旨否實病不堪非敢激也詩話捧讀數遍愈愧某體裁
痴重嘗和曹廷輝詩托鄭憲副岳轉寄復書曰四夫擡去
莫知所指一日來南畿問之曰非四夫安得動乃知詩重
也然亦有天趣自然處題漁者曰地幽拙言詞頭白猥生
理獨樹風正涼月出大溪水題海風觀曰星影倒隨天下
上海波橫打岸沉浮夢中贈東山曰心折正如東下水書
成難寄北歸鴻感事曰無多酌我防昏醉不可干人且靜
眠星銅溢鐵不及時與化冶中孤此一生九死餘恨也達

子稍能作老成語詩書篆亦稍知方但性懶蒲大官子多無福不知可濫一錄拜老師祖竊波餘否也不具

日隱然泰和渾噩氣象自古謀國不動聲色而運用天下敦尚博大崇獎廉退開廣忠益省刑薄歛以務悅人心使天下後世陰受其福國是定國勢尊士習正民風淳夷狄歛衽而不敢南牧公負奇材膺顯際伯紀入來方成朝廷者如此適見黜落之報途中所見不稱人意者多在網中何神也遂庵之起甚愜成大事湏此老某只箇拘局硬擔事任怨的人儲靜夫邵國賢朱懋恭孫志同皆可儲邵體弱只署南部以鎮浮華國爲宜終養御史陳茂烈曾奉薦

見素集卷之三十三

書

四

本郡學官近固無例然天下恐無第二此端亮清苦人然必仍舊官則巡按二司易相處令人自俗也兩川流賊甚苦移兵轉漕勢如旋磨隘可把而墜崖攀木猿聯而魚貫者不可防非若攻城拔寨有常處也荒陬僻邑居然生苗駭遣無一中節八日漕程月餘不應餉將盡如之何哉是役也知府張敏何珊數十鬪追之陝兩月餘未還叅政曹祥僉事李恕策應亦之陝去冬及春及今皆有奇績某平生不知兵諸賢將士力也風足日甚痰嗽久不愈遂歸存沒受德不具

西征每以不足副誘受爲惧近想可畢事君相指縱之神

爲藉手東歸之地者也受知川嶽之報消埃心者盡而力者不可以強支縱有差除奚福消受乞歸誠本懷煩決裁處使不爲再乞觸禍則所以惠我而處我者至矣歸後義難奉書惟周悉調護拔真才紓急政奠國是以迓續繁祉以垂有未望至幸

謝方石一代人豪與王介庵翁並峙南北記王司馬不乞遺恩介庵爲之請夫錄死所以勵生方希濶之舉尤歎動之機某素慕此老然無一面非先容也註誤落官尚有人川雲巡撫似不可缺兵備亦須有從容圖之

荅黃伯固

見素集卷之三

書

五

衰力無所用跡孤簡與然而平生嚮往名先輩與夫海內來進之士固有不交一臂通一問而自謂知己者數年來得聞吾子私幸吾道不孤鄉一脉有所承受慰喜愧悵往來于懷也過京山繼聞禔身臨人大致重以慰以喜愧而無惧也方得書若文而三讀之以慰以喜鄉固奇士果可以無惧無疑也第所屬意不如我之不孤重加愧焉兩川未盡平旁郡諸邊盜戢戢然起袖手臨局憂悵轉深適幸有所聞爲宗社生靈大賀古獨蜀不可爲蜀哉不具

與林泉山家宰

匆匆爲別豈勝馳戀蒼松古柏孤特之操愈見之膠冰墮

雲之間非若望秋蒲柳然。冰爲世道靈光獨幸公不得不爲姻舊私憐也。賊臣幸敗觀世者尚深憂諒是懷也。川賊多不可言。盡擄漢兵調土兵制之。幸且盡乞本與捷本借上得允榕城當留三日爲相樂丘。舐蠟房一味相處也。利瞻弟今始敢爲謀居官惟清約畏謹而心主愛人嚴蒞之。川賊撫竟不終然。每仇其黨欲犯開寧其酋以不可負恩責其下固賊心者。况人乎。薄與奢均不可通亦誤人。但某過於獨溫潤。縝密尊翁自弘壁容燕石來耶不具。

寄楊石齋

藍馱通誅曹兇突作在彼固難制在此兇橫幾若無前元

見素集卷之三

書

六

日親征是可知心緒美方兵屯合山懼覘我江津之脆徑擣吾虛駐夔溪以扼卒潰出城之路小僕請由舟笑曰不濟死所耳僕驚夜病賊果出吾計賴此先發何家老營之焚奚異秦坑之慘然鄰封遠聚効尤而旁睥者幸此大創也茲趨保順辦藍天幸再事如江津則納節東下乞歸初念與是出本懷須此以杜竊鈇之議六十病夫榮槿亦自有限恨到川不得一拜尊府老閣下先生床下紆通家宿好亦缺陷世界也惟自玉運幹元化至祝

慰西涯翁

隱聞令愛孔氏妹夫人謝世天地間之福不欲天地間之

人得全我先生純德具美固造化所宜曲右者孔之賢淑
不宜是以天然父元臣子復爲元臣婦世未有平滿若彼
者付之無論也先生文章正傳道通塞世興衰運祚修促
身任之固不得不自擔荷而自諉者不得不自愛也曹寇
自稱曹王出世僭名號鋒銳不可當遠近俱震幸此大捷
本具繼多就擒首漏僅方四亦躡其跡追擒之矣藍再辦
則捷與乞本偕比某解而東病誠多且久官非久間意受
賞非再出意也劉謝似宜亟處以言落官者亦似宜復惟
照在是幸

荅黃伯固

見素集卷之三

書

七

辱和二詩格律思致甚善何幸鄉國後賢吾友也區區材
識枯滯百凡費力久不能逮人執事一擲足便到固不可
不自寶惜也二疏觸犯忌諱思過無已有其心而無其識
碎首甘心然有自銜之疑宜不若是甚也作文專看秦漢
以上猶有宋人語當覺其然聞彭大治世契甚讀書提學
正大人宜是子不具

賀楊石齋

承致會錄人至寅詢仙郎茂應狀頭之選德門盛事僅見
之今而亦未前聞之古也楊世有盛者關西四世宰相四
明兄弟三尚書建州孫子連第然未有萃一時如此者可

尚也可賀也亦可畏也宋養士不負大科惟王魯宋庠馮
京三人父子宰相僅呂許公韓魏公今所望于狀元者固
不止于是斯通家之好愛德之私也痴突與時齟齬荷極
力營救生死肉骨其惡敢忘然終惠于某者一放蹄足矣
能一一曲庇之耶兩川是役非老憊所宜勢固衰止然亦
鬼方之伐也人便謹奉空楫爲賀不具

寄孫司徒

南畿時曾附數簡想達矣天佑我 明逆賊受首黨人敝
政釐革而斥逐以盡執事遂庵柴墟二泉東川並以起群
賢滿 朝盛矣哉前輩謂不務逐熙豐之舊人而務革熙

見素集卷之三十三

書

八

豐之舊政激有後日紛紛之禍今宜無此也然士行如鬼
使人厭惡不知自何時敗壞至此固宜究心也蜀如潰隄
不可填塞人心者固去也而調運頻復重以祛之憂如焚
惓而平生精力已盡宰物者胡困我遲暮之歲如此也藍
郵勢已衰撫若可成則骸骨有地執事謂某有快活福否
也日曷之離有明戒焉柴墟二泉恐未至不作書會中幸
出不具

寄邃庵

承佳章累紙若謂其稍就清脫者庸知川如崩瀾層疊湧
出使人駭心喪魂撐拄不暇懸命艱兇至不可排遣長嘯

大哭重慶再入父老環觀爲我哽咽江津與賊隔江而哺
既入空城烟火俱廢盡日無一水一米入口方幸踰萬石
捷容知川北又有馮憲副傑遇賊之事蓋前哨已勝而馮
截其歸路正犯窮寇之追之條然志可嘉也苦命值此何
計得謝楊總戎輩流表頗爲異好生議恐欲知

寄石齋

人回傳尊諭責過無書不勝驚悸平生踈懶涯翁僅荅一
書厚翁同年取厚亦不通一書惟蜀以故里故諒屬留念
不揣數書私懼過瀆而猶若爲簡公之繫戀鄉邦故人者
如是天下可知矣賢相古有是耶某猶若形迹自拘過矣

見素集卷之三十三

書

九

過矣迂腐非撥亂才三川麻沸左提右挈營救日不暇夜
不交一睫者時數月方賊烏合二萬餘剽悍尤甚遠近搖
扇仗賴君相發縱之力擒斬萬餘群類散者禁追捕僅購
其首數人與聚而逸而未散似有可得之機第麻六兒奔
陝又盛川兵過陝攻之又奔川馮憲副傑孤兵遇之被害
戎事垂成值此奈何每觸事仰天長吁繼之以泣邊糧近
有全徵之議訴者紛然父老言重慶毛知府嘗有是徵幾
激變固全盛時也今日尤屬可念公鄉人容不爲之所耶
某精神愈衰備望生入門是外百無所圖公知已最舊容
不爲其所耶乞本瀕封又沮馮故也照原萬萬

復孫九峰司徒

承書具審道况休裕慰蜀如漏船補塞不暇造物者胡
貽我衰謝之年之苦如此也先是尚朱敢殺官自輕淺舉
事是風遂長繼窮寇加狠又有任其責者不得歸苦苦涯
翁出處嘗私論之司馬公之出國家甚幸在公獨無幸也
今人責人過詳不爲國家謀其遠且大坐鎮雅俗與翁翁
集事績用自殊記弘治間有論王介翁不任上宰某曰代
者誰其人語塞涯翁去固宜且晚抑代之必過之今似之
者誰歟則固未宜遂其私者承論敢對其亦謂然以否不

宣

見素集卷之三

書

十

復劉文煥

遠辱大製獎詡過情執事亭亭然物表入眉睫誠難者顧
獨誤在愛中儼以非分陸范薛李古今幾人哉不敢當不
敢當危機距脫自信輕便然面望未嘗收涕賊中動靜幸
時一附報欲釋自慚充欲爲蜀人先賀也士風大壞監巡
藩臬間亦失素守郡而下僅百一強人意甚之大非人情
民安得不窮且盜執事水清山立運用更化無難者近時
趨奉過禮迎送至出界地甚費且擾夫簡則肅肅則嚴沈
思古一大人物恐欲知餘惟古道自重不具

復楊志仁

承致尊甫文懿公詩集并教言皆山中渴欲得者感慰何如中丞榮轉吾道私幸然執事資望已二十年前故物人固左之天固右而畀之文懿公宦迹同也而亟欲求去門第誠過盛抑直道有難合者其然耶記同曹僅吾二人家居亦少歲月可久借耶第事會一日盡一日報荅涉齟齬則行意水石之間料理末一着局面區區質屨病早近尤不可支無出期矣書例不荅在執事未由自己也惟爲道保愛萬萬

復段僉憲

榕城瞻拜承欸顧勤複按部又辱光臨斯文情義加焉受

見素集卷之二十三

書

二

賞致賀似於名義未安蓋無可賞亦無可受而誤恩再辱顏汗登拜豈容謬沾賢者之惠哉且公私賀儀一例辭却吾執事廉白自守美官二十餘年未營一第家食不自謀自我稿若奚足爲區區潤哉領厚情還厚幣心甚安之照在萬萬

慰楊月湖

某啓林居荒僻執事聲迹久不聞嚮徃意加焉前數日會汝華于建陽始知執事有尊大夫之喪柴瘡之甚噫此吾二人共遭也何夕何事亦何忍言哉執事爲道之身萬以禮無毀某是日擇吉是日有金革之起義不敢辭而壯歸

晚出其心果欲其志果可行耶行止一事便自不可謀福
謂可免耶是由天落也已具疏另選精力預處地方容令
照舊致仕不知遂否便中無惜惠教小奠附致几筵無任
悲梗不具

寄邵二泉

恭聞起落朝論固自在然所以處先生者豈星凰欲與遐
荒一覩尋收而入之耶藍賊且盡曹已收戎旅凡勞視往
日江之西十倍日懸命鋒刃間閒福無力銷受險難有此
其如何歸山再請未遂適觸罪自實倘荷放廢則蘭陂雲
水又自故物恨二泉柴墟無一篝燈交臂時也不具

見素集卷之二十三

書

十三

答張白齋郡伯

適枉郡駕暨二庠博士傳姚英之之檄請先祖都憲敬齋
公神主祀鄉賢豈勝感幸先祖孝節庶重當在古人中教
於鄉門下有尹上宰諸人教於官門下有高司徒諸人在
斯有生祠當道欲借邑令起之風憲力辭謝方薦提學以
母老三疏乞歸時望六時也岳蒙泉憫其貧惠之地頗居
厚利峻却又強又連却周以棺具酬之直皆人所難者故
沒時蒙泉祭之文謂未老即歸事育罔遂徵此知學優游
即樂盖心知語也然鄉賢有艾軒復齋夾漈諸老進與同
列恐非地下之願矧生時嘗未滿猶人者必不欲自混某

至愚極陋亦欲成先祖之美胡希仁程獻之王存敬累有舉皆辭義不敢今日受命吾人舉事名教所關亦使鄉之爲人子孫者不輕進其父祖以襲頹俗爲世告耳尚容親謝不具

達孫大叅

歲頗不收糧早賜明檄速以時輸少遲則盡于私食雖百痛之無能爲矣軍食何計哉數時穀價一兩無三石後可知矣濱海已三不熟民不聊生或生他患意謀之巡按公早委推官清理其地之尤貧者二月間將預備穀一兩四石五斗之價賣之人僅五錢毋容多買得過者冒買一石

見素集卷之二十三

書

十三

罰十石主買擇義民大戶有行檢者具名于官人主二百石價令自收穀同看倉稱發至成熟或依數或大熟作四担八斗買穀還官庶無吏隸之擾無妄冒之奸而窮民得受實惠此非林下宜聞者然人心洶洶亦不容不慮也漳泉或有賑濟亦先移文以安其心盖岌岌矣不具

寄元老楊石齋

大號渙頒宿弊盡汰天生

聖君天留

賢相周宣之

王化復行山甫之保躬補闕殆軼而過殷武丁傳說亦有不足爲者矣某待蓋陳人起落之盛豈不欲効侯鳴以裨新政然諸老則可某則不可人之飲水冷煖固自知也某

跡孤取忌去朝廷三十有八年年四十五長謝矣賴

君相哀憐言官論列五叨 召命受者再大義所迫非得已也而力短弗効委心就閒又十年于茲矣齒脫形羸風濕爲梗精神恍惚步履蹇跚語言顛錯何以拜舞闕廷叅國是道吏議逃人責者哉抑固自處何如温公病猶留路公老猶出崔清獻則循分力辭爲報某固願學也七千里外再乞實難老馬哀鳴一思皮骨之所非先生誰耶伏惟 垂憐毋致再乞萬萬

寄蔣敬所閣老

邇者伏讀

新詔及日報事目奉

天之詔書開元

見素集卷之三

書

十四

之雜報退然其後矣日

御經筵閱章疏坐三公以決

政事侍午食則虞周之盛千載一時也惟賈生堂陛之論似或未講 聖固生知亦必待學意未有告也抑蠱與

革與夬皆致慎重之詞亦宜念也侍

蹕憂憤林野妻

酸二詩備野史何時也今又何日也我

天地

祖

宗固相之矣某自戊戌獲接道容貯結有今時以不及話心悵領教言爲恨然在匏庵木齋守溪諸老亦僅一面書去位始荅方石東所吳東湖無一面而詩篇徃還地似也

謬承起落義當趨赴第已七十致仕之年衰謝轉深行能素薄何特能起昔君實起景仁不起東湖九峰辛庵固君

實者其無景仁之望而年過之容不知自處耶幸遂私乞
立足素定再近矯三近瀆 執事忍使某矯且瀆哉不勝
至祝餘惟爲 國加愛不具 元老毛先生闕幸瞻仰不
顯書幸道私臆

寄孫九峰

丘壑隱憂彼此如積不謂復際泰平今日也起落意外無
任醜顏 執事純德遠猷綴臯夔以弼成熙皞衆心共屬
幸毋讓焉其內乏素抱外乏時宜既老既病班行無其跡
者幾四十年今七十致仕待盡期矣朝無年似之人無同
時之舊至諸老亦無一識而禮儀久忘政理亦踈何恃能
見素集卷之三十三

書

五

起且壯歸老出亦悖甚矣某豈忍負 聖明之主以自
安箕穎者流 執事白巖幸庵諸老自足任世道之重某
亦擇所自處以少裨難進之風均爲報爾幸 惠曲成萬
祝萬祝嘉靖 新詔遠過奉天而新政弛張開元分當
壯面天生 聖君而輔以賢相復舊爲新化否而泰生
枯活涸霖雨八荒焉然易蠱與革皆有深戒謙吉無不利
賈生堂陛之論亦關大禮此 執事之素懷亦密勿大老
之所屬意也不具

寄陳原習侍御

邇得蕪古之望于吳清澹老格于滇庠侍養錄于二泉記

生祠碑于小泉豫章鎔鄣擁腫鉛鈍其不同器也祠甚無謂在滇時且碑亟沮之不知何時又祠也讀高文重慚作焉然亦見道味之似與淺而知深也嘉靖新政 聖固

天生然量用年進當受言之際毋亢取忤煩取厭高取憚驟取輕急於求治老成弗爲信而後諫古有成論焉幸擇所必可行言之舉大遺細毋用數數也 執事養深而望久自愛自愛克之幸同是祝諸老起落九峰白巖之渾謹幸庵之勁力宜也區區衰且病又值當謝之歲義當力辭守溪翁不知何爲處不具

寄白巖

見素集卷之三

書

六

山中伏覲

新天子文武神聖釐革之盛殷高之四海

仰德周宣之王化復行下風矣考遺起落蓋已傷力過時之馬矣自忤柄豎朝無其迹者幾四十年在林下幾三十年五 召二起在官僅四年而半及是始被遇而病以老矣 執事九峰幸庵梧山臺閣諸大老自足以佐理堯舜某聽散野箕穎者流不謂無報也且班行無年似之人無同輩之老年已當謝病又龍鍾拜跪俱難語言轉忘再乞回往動踰半年司空地重容延緩至此耶連疏以進亦事 君父一直幸裁可否九峰幸轉道決不能起意

詔條群弊盡革士風亦湏一還今服用之侈威福之過送

迎之盛巡守不時歷諸司不治事官習於邪吏肆其好學
校庶耻道喪雜流朋黨風興不副人意其不盡指也夫有
德義以正其身禮法以正其俗我者肯正則群小自帖是
謂不威之威其不然燎原之星灰固在也世道之責非
執事諸大老誰耶不具

復趙司空

久悉 素望自端簡公所一臂未由豈勝注嚮適承教札
公移誤服 聖天子新命 勅促上道叩頓忭惶不

謂榆景值茲竒遇也無司馬之經綸有司馬之老病年已
七十自 石老外無一二相識而骨枯神短血竭事忘跪

見素集卷之十三

書

十七

拜時不能起且初心日負聰明不及又去京師幾四十年
朝儀久踈袍服冠履亦盡破缺又作一番出處人其謂何
當今耆碩滿朝某一人足重輕耶即舉訓工而論其素乏
心計少識事而食官皆巧險者流以不識事臨巧險者流
弊何能汰財何能節功何能成三疏擬辭懼折得 請

恭惟 執事望實素隆事體練習正副是位東湖再得共
政起部當立改觀此固 朝論之公亦區區以人事君素
負也由衷之言 伏期 鑒亮

寄陽明

適聞

召命北上

天子仁聖群賢和會諸老之矧

亮不孤泰平召致今日矣惟 白巖未至舊都猶居洛也
綱紀之地治體風化所關略細瑕崇大體第一義也言路
開矣高取難煩取厭則開者恐塞幸門塞矣短取煤隙取
伺則塞者且開今日可幸也亦可慮也然此時士風亦須
一還服用之侈威福之過送迎之盛巡守不時歷諸司不
治事官習於邪吏肆其奸學校庶耻道喪雜流朋黨風興
不副人意其不盡指也夫有德義以正其身禮義以正其
俗我者皆正則群小自帖是謂不威之威世道之責非
執事諸老誰耶不具

復陽明

書

六

見素集卷之三十三
辱書惠兼承趨

召之教

聖明在位可謂千載一

時矣綴臯夔以贊唐虞之治少知用世者身先之某敢後
乎哉桑榆景暮班行無更七十之老石老一二外無更相
識之人精力久衰經濟素乏何以副 上知塞人責哉

鄉康懿公六十九翁司徒公六十八某徑速其歸在惠安
公六十回時也盡人固盡已哉近傳 執事以左轄召虛
殊辱以須後封高竒之績乃今顯白載 詔書播華夷

而傳之來世掀揭柄人何在哉公固天所與也幸顯其行

副 側席治道至意其大義當決辭三疏錄侶前數日

有書想未由杭致也不具

寄章楓山大老

嚮次曹定翁二詩奉憶計徹 尊覽是後德音時聞筆札
欠便八旬舉丈夫子固天相也茲復重荷 明聖新天

子錫爵存問之典異是遭哉某亦混起落君臣之義無所
逃天地之間然七十之年精力衰憊病以老矣已三疏祈
哀諒在 垂憐陸汝亨已承卹典快幸唐侍御久聞
風采近見旌忠數篇大是名作二賢諒出門下也莆後輩
亦頗興發林茂達黃鞏尤者小帕將勤輕褻輕褻餘惟若
時眠食以膺純嘏至祝

答周克之

見素集卷之二

書

十九

承書价感感區區麤戇徒以犬馬之齒誤爲

聖明新

天子垂錄三使臨門非舊時老馬筋力矣擬扶疾登道面
覲 龍顏使老狀衰容莫逃洞察乃堅請不受仕而還

上也必不能到亦中途辭乞次也不意到劔而痰喘作至
建尤甚衰削已非人形今雖略愈過山筋力猶未敢擔當
也然未出境而乞殊非大臣赴 召之體天則限之爲
之何哉俟數日更量進止人回謹此申復不具

寄彭幸庵孫九峰

某狷狹不善諧世謬意高逸者流四十五而孤翔 五
召而載以起亦尋以寂矣不謂又叨 諸老之 召夫以

壯之如彼衰之如此奚取自副慚忤有加焉三使敦迫強
勉出門意面覲天顏盡見某之衰容老狀然後隤踈

衿袞不受官而退不謂到劔溪而痰喘作到建溪又作卧
床褥者半月瘦削重若可念抵今未敢過山京師又未知
可到否也新天子聰睿神聖舜禹之君惟與議一

事似若未嫌某在遠微聞輔臣禮官言官執議甚正然猶
未能一去俗格出濮議之上若定陶共皇則最下之議吾

人引君舍舜禹奚法哉舜受堯也曰受命文祖文堯

始祖廟也禹受舜也曰受命神宗神堯廟也禮曰有虞禘

黃帝而郊饗祖顓頊而宗堯名雖曰禘而人後之意隱然

見素集卷之三三

書

二十

其間當時大事皆記之矣獨不聞有尊其所生之父之事
此萬世法也今不引舜禹之典章而下襲漢哀之邪議其
不惜哉執事九峰上所起若猶未舉須共一疏使

輔臣禮官文字之臣再議其間名分所關非細故也夫名
正則言順若曰如定陶共皇稱興獻帝則興王國也

安有帝其不可一也若曰如去定陶稱獻帝則

七廟之中似無小宗稱帝合大宗之位其不可二也

獻王義不可一日不立後以王嗣帝其尤不可三也由是

而推無往不悖蓋大綱不正則萬目不張亦勢然也或疑

有難處者其惟有不可易之大禮有不能已之至情情不

足勝禮也舊矣大孝召大慈大慈亦成大孝

聖母純

懿之德中外具聞決不欲崇

獻王以虛分以上累

聖朝大禮貽

聖主大全中之一闕爲天下後世議也

或曰事既舉如何曰聖人不貴改過一執不忍而終身執之乎舜樂取諸人爲善禹聞善言則起拜

聖主舜也

禹也中外人心共屬

聖主如舜也禹也何難改之有

甚至未可期而議禮決不可緩幸二公圖之病中言不能既亦不顯作書 內閣上宰宗伯諸大老先生幸出此書道下臆不具

寄陽明

見素集卷之二十三

書

三五五

執事道足濟美學足開來文足追古人忠足以落奸賊擒叛王又得 聖明新天子爲之伸雪以大取封拜試思

之古今有是耶下風謹低拜矣區區老以病道建溪痰嗽二十餘日形體爲之瘦盡過江尚有辭疏道此不一會不拜尊翁老先生床下何心幸諒幸諒蔡我齋又過家故性猶在也一笑

寄胡少宰

久不會謬記所物色 執事李嘉魚二公俱偉 執事尤

忠鯁可念 新天子虛席治道拔寘天曹以 尊甫老

先生計奔歸是豈一私焉之情已哉然大歸是時目可長

曠 執事亦可少節哀悃爲來日報咎地也賢者生世繫
其不少香幣少將 几筵病不入城不親吊慰缺事缺事
照亮照亮

寄李宮保

白茅之役初聞亦異既乃知利人甚慰慰李貞伯少卿物
品時出伯紉吾輩諸人之上吳文定公不能過也鄉賢未
入子孫之微爾矣可觀世美文徵明奔父喪卻賻金幾千
許寧庶人屢召不起氣節有如此者其温粹之養介特之
行深博之學精妙之筆法皆眼中所少一書生名動天下
蘓人以爲星鳳意當以潘南屏例薦之昨會守溪翁謂尚
見素集卷之三十三

書

三十五

過南屏致之舟上與語連日知之深且已見其喜氣克溢
鄉會恐不能易亦無待薦然吾人道不當遺此賢者也不
具

寄楊石齋

伏讀 新詔及封還數事心降氣屈甚矣先生養之克
而任之重也泰山喬嶽與雷霆而出雲雨長育群物成能
造化爲海宇巨觀足矣某朴璞同價且愧且忤扶衰強起
不謂年高分薄至建溪而痰火大作醫藥念餘日稍愈忍
疾過山至衢又作隨處問醫至蘓常尚未脫體坐若夢行
若什居常自意有其心無其遇今有其遇又無其力矣非

天耶再強而前恐湏竟乞非甘自棄外有托而逃者矣本
至幸垂憐燭還之間散士各有志仕與處亦道也餘惟終
始弼亮爲 九重倚毗爲 九廟光重不具

答后峰

家與途三得書謝恩議禮二疏明白正大忠愛襲人近鄉
諸賢皆卓卓自立山川鍾靈氣義歆發 執事立赤熾不
誣也慰慰名大爭亦大幸重自愛立純大之體非大事姑
付言官言之文材啓範二賢學問突進可喜可愕區區甚
善是出建溪一病至今未全脫體乞本已辦俟進鄉某某
某煩道臆不顯書

見素集卷之三十一

書

三十一

五

寄邵二泉

昨承道寄意盛僕云 執事大賢慮周而謀遠自有殊見
天地祖宗所以祚有道者自有殊徵也然邃庵後承家承
休也未四十承家後冠也亦未四十以彼喻此若後焉意
擇一親者賢者鞠之俟掌珠呈瑞一則瓜分之再則鼎立
之無過也 執事道深德厚名重位尊海內士道義相砥
兄弟相念如區區者恐不再數不告誰告哉藏修之所力
頗不辨神用涉過勞訓儉亦非所事愛深言易罪過罪過
舟孟瀆候風九日晚始到明發議禮疏行度垠行又明日
矣乞疏候前再發謹此奉報不具

寄蔣閣老

某搪突狷急自讀書謬意古人自效當世不善誦俗雲庄待盡二十有七年蜀之歸亦十一年矣又作一番行止以術則踈力則衰以病豈不欲少依光華聽指令門下者哉勢不可也謹疏情懷伏祈照亮使骸骨故鄉至感至感三老先生恐瀆不顯書

寄楊石齋

某晚暮行止奉累祗見陳瀆 真主希世之遇閣下忠誠許國三老同心輔政亦希世之逢某雖駑豈靳爲役衰病誠不能也初期面覲 天顏三疏辭職不謂又有刑

見素集卷之三

孟干

部之改某又焉有官之擇哉刻日且至京師不一見新天子暨我閣下君臣大義固缺而友朋之情義亦踈某之罪何贖哉第恐至不得辭而官不及効好事者又有某辭某受之議悔將何及吾人出處寧近迂苟且某即就職能時月留耶親賢一疏倘 聖衷開悟治化一機某在職報答無出此者不揆爲諸君子開端而某之得解亦士風一繫也 敬所 礪磨 湖東三老先生奉同裁覽不具

答趙司空

近閱報脩城數處皆人國遠猷老成謀事自異某寧有此

耶方幸即不得乞附麻倚玉因焉不意又有它改一生刑
官最後有兵柄之委恐恐然作過後昆而避神入廟重可
慨也又不知遂乞乎否苦事苦事是位想暫屈者賢固大
有所授也不具

復顏司空

林高也不具

承書并致价感感某無惠荷
新天子誤知然壯而歸
老過而出既久堙於蟲戶又難脫於龜筮重有是改非分
之愧擇官之嫌蓋兩具焉世常言刑官作子孫累是謂畏
影而走日中者也然抑末矣本之則老以病服列以共所
事期無刑副上知誠不能矣再疏懇乞未知遂否人回敬
見素集卷之二十三

五

此布謝不具

答白巖

承教感愧無已桑榆之境無人世望矣而
温旨稠疊
斯生斯遇稍可勉強容忍自絕
聖明多君子之朝耶
老且病誠不能矣又此遷改似涉擇官徒成陳瀆奈何奈
何
閣下知其固相諒也不具

答山齋

承書諭辭疏太瀆罪愧罪愧名湏實副恩重而報亦重某
材行何如耶愛
國雖素直突不善處事所至無好散場
若上孤
主懷下不副人望平日此子讀書護惜處盡

去徒自辱耳昨聞 上心朝論皆若厭煩瀆懼罪速舟
而來而舌爲缺齒割腫語言甚難入京正用此命薄甚矣
部諸司暨鄉相厚親友幸密告容區區見後下顧京師非
外比萬勿出迓至祝至祝

答遂翁

令孫至承書教感感壯猷耆德元老相 新主以經理
太平士心俱屬亦華夷之望也區區貂續九峰白巖幸庵
三江諸大老之後硃璞之不同價然也事叢身益度每及
歸諸老輒相阻不知平生僅此易退一小節茲出相併以
去矣八月九日當宿三月滿當力請骸骨卵橋夜話當數
見素集卷之三
書
二六五

簡辛庵

數日官書人事作擾而身亦困甚不及親拜床下道勤懶
罪過罪過 執事素忠大節一舉足繫 國輕重當此
主習未定邊事方殷豈宜引疾求去 温旨旣已諭留
幸爲 宗社華夷勉起搜易謀臣計將爲 國勢主張
爲三邊生靈造命至幸至幸

簡諸老

乞休第二疏久辦議二十五進比聞求去太多 聖心
不悅移二十八不謂又有亟出之 旨憂虞滿腹某常

懼跪拜難起。膈十二之夜夢承旨內廷跪不能起。

驚覺益懼。益見力綿。廷拜幾跌者數四。歲暮孟春。

大祀俱不敢陪。何心哉。除夕正旦家祠諸拜皆不能起。開印拜跌在地。對僚屬抱愧。殆不堪居。繼有痰欬潮熱之證。身益弱。今承命而出。何以了此五拜。萬一亦跌。何以

見人。某平生自此去矣。抑七十二之年精力可復強耶。

閣下素荷憐念。亦幸爲謀誠明良之會。何故亟亟去也。裹曲萬千病不能出。不及面訴。謹此祈請。得遂南歸。君相再生恩也不具。

簡石翁

見素集卷之三十三

書

三十五

昨承敬翁礪翁湖翁三大老枉顧。某僭訴衷曲。若謂有托焉。而然豈不誠諒彼假此爲留某之辭爾。某受知朝今日尤爲竒遇。聖天子垂容諸老。垂念群大夫亦

頗相信。若可一日安于朝。主少國疑。言階賈異。奸伏

伺釁。何時也。又若未可一日去于朝。斯生許國之壯心。熱

膽安在哉。某視聽步履猶強。支惟跪拜難起。不可強支。兩

膝時擦健步藥。時服七十二之老求壯亦難矣。寒家三世

近諸弟皆收局風痿。某是局也前。亟出命下。戰慄無

容。促九峰未能赴。閉門學拜。擿曳數三至第四拜而跌。朝

叅何法哉。天賦命薄如是負。朝廷負知已。負天下之士。

夫言之心痛語梗泪赤下抱罪惶惑莫知所爲惟 執事
幸卒聽之至祝

答張總制

久乏存問孤特庶重之操貯結之星瞻岳望之間盖日加
而歲以甚价至承惠問感感東之寇流入南陽勦未絕不
知廣何如民貧召盜廣又以習而成 君相之憂 執
事當任之責也日者國是頗異功高物忌諸賢意未知云
何恐易柱不得本事大木重致撓敗某欲去未得去尚當
繼乞忙不具

簡石翁

見素集卷之二十三

書

二十五

千金駿骨仰荷 厚情似有議非誠欲去者添此話說也
數日膝尤軟堂堦上下皆難勢難拜飽厚祿高坐心難安
十二三進第二疏二十進第三疏幸屬中貴傳衰老之故
必取 俞旨九月吏事何裨 新朝決不敢異遺
恩有亦決辭徒見重瀆夫道大成大小成小某歸亦成小
一得今年更幾人幸惠專然不具

後學黃佐校正

孫男及祖重梓

說傳行狀

邃庵說

豹隱霧而成文龍藏于淵以神變化雨下土夫資之弗深無以爲致遠之地而息煩鎮躁要非淺之能爲也故深居而晦處捐塵絕俗百物之交弗至則無誼聽無流視左圖右書前箴後徽助我者有餘地矣石淙楊公應寧藏脩之居擇最深處爲之名曰邃庵其取諸此其制乎外以脩乎

見素集卷之二十四

說

內足乎內以無分乎其外者矣夫馳情繚意於無何有之鄉身在此而心已在彼欲一時之靜不可復得也則庵外也圖書箴徽猶外也公潛乎其內也寄庵之邃以成其心之邃其業專專則志一其居靜靜則神清則視無形聽無聲心有師氣有帥欲有坊道有輿聖賢有域探微造妙以統百靈搜羅萬有孰得而淺狹之公起神童第進士方物出謀之始固已累有上卿完名修志朝士莫肩視以班顧自貶抑深造弗懈及門指授斐然成章其他亦波餘于楊氏矣蔚人文澤寰宇前瞻却顧庸非公而誰邃之功于

斯爲盛

因吾字說

予與劉君時讓舉進士同觀政刑部同步行履數日輒穿
駐足抖沙相視失笑其後同南京時教方易齒有敏名再
見則驚視之矣今已博雅可詵以吾時讓之命問字於予
字之曰因吾說曰道根於性性根於天之所命人與聖人
亦類也聖人脩道爲教不過因吾所固有者裁之否將憚
而弗信矣弗信民弗從聖人亦曲勞而無功矣夫不勢而
尊不威而畏不賞而自勸不令而人樂而習之非通以至
易不可聖人有待焉使人自有而自爲之又將通之曰人
倫日用之常吾之道盡於是而已耳則人將曰固是之易
見素集卷之五

說

二四

邪則均可也吾將勉而爲而不爲去聖人遠矣聖人又
待焉有可入之機可進之地又將通之曰道德性命之蘊
吾之道盡於是而已耳則人又將曰固是之未已耶吾將
勉而爲而不爲前功棄矣有可入之幾可進之地又將通
之曰有天地民物之責紀綱造化之妙焉吾之道盡於是
而已耳則人又將曰固是之無紀極耶吾將勉而爲而不
爲則前功棄矣揆事就中探微而入妙吾斯之未能先得
我心者可就而叩也吾聖人師焉聖人不恆存存於書吾
書師焉卦畫於龍馬範演於神龜火鑽於辰心曆於天運
輪於轉蓬律於鳳凰書於蟲鳥造化之蘊聖人心術之迹

也聖人之迹師焉吾心者可會而兼領則盡乎吾矣非吾者烟雲飄散蟻蠓氛埃之過前又惡得因吾固無而規其必有耶此學法也持而不已吾於因吾觀矣彼謂聖人不足師與不能師均妄也

族子伯隆字德符

吾友林公長深同予出邵州刺史後徙福唐之甘蔗州又從尺籍于莆樹潛德數世矣竟符于吾友以刑部主事求養母而南又求養母棄按察僉事教授常州忍貧自節養妹氏百餘指是所謂難者常言術者言吾當無子既而得伯隆竟出于數之外德之符至矣伯隆懷抱尚未煖指掌

見彙集卷之三

說

三

翫弄尚未能作嬉笑聲吾友背而去之矣是豈待予言而悟哉伯隆鞠子二寡母冷熱失調兩心俱碎是豈待予言而悟哉寡婦之門不入子以伯隆故每過呼出拊視頭目而軀幹小不稱人意予危之久之駸異既又異今則危而長身可壽可立可爲吾友慰夫人孰無子有如吾友得伯隆之難背之早隕息有餘念二寡母特百常情於鞠育之間者哉天與人恒相符德有後恒理也伯隆孝友所立慈與節鞠而抵于成者其常人子之心哉字伯隆無德符可念之哉由而上什百其身一伯隆焉由而下什百其身一伯隆焉念之哉

鄭氏三子說

師德君三子予表甥也秀穎澄潤治士業居若有所成可
大鄭氏因子廣命名與字之始終告之軒偉勁特離風塵
凌絕霄漢摧群而懾類以操有彈擊之柄爲鶚凡羽族之
剛無過焉傳曰衆鳥累百不如一鶚一鶚其九霄乎負青
穹絕雲氣背若泰山其翼若垂天之雲爲鵬凡羽族之大
無過焉傳曰鵬徙南溟搏扶搖而上者九萬里一鵬其九
萬乎長幹踈節脩勁而素翎氣應金聲音中律呂爲鶴凡
羽族之清無過焉傳曰鶴鳴于九臯聲聞于天一鶴其九
臯乎鶚至秋而疾鵬六月息者也露八月漦漦則鶴聲清
見素集卷之三四

說

四

壽

遠君子值其時以神其用剛其鶚之職吾懼汝之嚇及鵠
鷓也大其鵬之體吾懼汝之笑貽蜩鷺也清其鶴之性吾
懼汝之食爭鷄群也其各思所從事哉君子陽類一爲少
九爲老老變而少不變一汝者所以名端養蒙之始也九
汝者所以要其變化以成其德器之歸也汝兄弟念之極
其高九霄可也極其至九萬可也極其清且遠九臯以聞
于天亦可也三子曰唯

彭良佐字序

從吾彭惠安公請老僅孤弱一孫舉止無味有餘虞焉公
歿輔四歲予獨深公後爲念時時屬其家撫視擇之師教

之而慎其所與遊每視輔肥瘠學進否以爲戚欣不知輔
思副其祖何如也又惟古時周篤行甘貧力古道可爲輔
依以立爲求女婦輔許焉今輔將備三加成六禮字無子
宜也昔魏攸識李德林公輔器字德林公輔予未敢遽識
輔識公當復始于輔也字輔以良佐序皆公說也公由幼
無穉習存省言論古聖賢自期一入官即古名臣程法刑
部屬則何盱江齊名王三原爲巡撫並擅忠稱弘治初
朝賢爲盛然風力節槩問學皆無能右公弘治之政視成
康而文景貞觀不逮仰窺我 孝宗之神聖而諸賢佐

理公有力焉所謂國耆龜鄉典刑良佐無踰公者在天下
見彙集卷之十四 說 五

猶仰之况鄉耶在鄉猶仰之况 邨邪予嘗觀謝靈運王子
安文定自豪然不爲康樂文中粗幸仲弓之群季和之或
若謂有孫而 忘漢君子憾之惟東京之楊襲忠繼白
四世公相彭 固楊氏後果不及邪良佐爲之而已

壽州一上字說

壽州弟待受年雖四六子四已冠其亦盛矣夫吾併字而
告之夫名生而別之也冠而與敬其名也德而表由實也
德而勵由吾也弟子猶子吾有愛乎哉君子之仕仕道也
非仕仕也投魚水而運彌 泰否安危斯繫焉遇汝志乎
所貴佳子弟以承承往烈者也紹聞衣德興衰絕續斯繫

焉通汝志孝懷竒應會裨化而經猷謀治者擇焉燕石韞
賈其足重也哉遴汝志賢君子陽類日升其道以明昌也
而善處乎明又莫如晦暹汝志晦君子終日乾乾自強不
息半途而廢遵道者之所無與也遠汝志律道中焉而已
過不及均耳驚前而躡進者最害道君子弗由也逾汝志
中夫起落通塞有數焉存心養性盡之我以事天也八元
八凱八士虞周之際意今其時矣五桂三鳳八龍一家之
際意今其時矣十德九牧聯桂吾家之際意亦今其時矣
六子者其追似之作吾林之氣以仰符 國家之盛望六
子者如此

見素集卷之三四

說

六志

字黃應軫君壽說

故人子應軫來告冠期予爲之私慰且感焉賓之役筋力
有弗逮也字而告之曰南方七宿合而爲鳳赤鳳謂之鶉
井鶉首鬼鶉目柳鶉喙星鶉頸張鶉喙翼鶉翮至軫謂之
尾軫四星中一星者長沙明則人壽壽人所同願尤以願
軫也夫神完則實實則明日月者陰陽之宗精之所積也
欲淨則虛虛則亦明水鑑之靈照也軫何惜一身之慎致
其實一心之慎致其虛乎壽地也壽無獨爲軫願之軫無
他兄弟母氏依爲命壽軫壽母也吾易菴一脉寄焉壽軫
壽易菴也象賢累盛以上承于先壽黃氏千百祀軫始也

軫獨曜也。聯列宿以上佐天明德。其不孤矣。中世孤犛特起之士如軫者不少。韓退之、范希文、歐陽永叔、植立之盛。河漢昭回，乾坤並照。其所謂壽殆出予語軫之外。軫之德不孤矣。毋自恕哉。作君壽說。

鴉說

洪之山多灌林鳥之所依也。其下有昂而隴夷而疇藪而區者焉。黍菽稌蕒魴鱮鮪鱧龜鼯百物之鍾也。群鳥利焉。居人病耗已思逐之。執彈若臨之。鳥色舉以去。有鴉焉。攫腐廳以食。彈臨之。觸樹有聲。鴉且去。彈復臨之。中翼如癢。鴉曰：嚇止是耶。食且宿如故。觀者曰：鴉誠亡慧哉。寥廓蒼

見素集卷之二十四

說

七

黃遂谷盤岡孰非若之所顧。決百死于死樹腐廳哉。居人曰：是固形巨而處高。視吾弦特綿黠。將量已也。且獨不聞鴉之詳乎。醜形詭狀。附陰妬陽。取郊破巢。戕巖倫類。覩者悸其形。聞者愕其聲。以虞弗祥。楚畏其留。吳憂其徙。朝之人欲羨分其肉。以盡亦奚意。彼哉益厭而益彈之。鴉習焉。磔其丸以戲。居人恣不能久之。獵者過焉。引以勁弦。絕膺而斃。

傳

丁補齋先生傳

先生諱璣。字玉夫。丁姓。潤州人。宋參知政事。觀文殿學士。

文簡公之後大府卿總轄華七世祖也祖寧棄建寧右衛
經歷隱于鄉自號友陶是生先中書舍人元吉學行高古
學者稱易洞先生先生服習庭訓疑未早悟慨然求道之
志十歲屬文有趣尚十八抗顏師席是歲領鄉薦又四年
成化戊戌第進士乞假歸潤迎婦張氏明年還授中書舍
人與同官烏傷王君汶並名古意王年長踰倍尊爲益友
吳文定公原博費侍郎公廷言皆丈人行禮若平交陳石
齋公甫至京師先生日接道論久而歎曰石齋克已功到
其所學大類象山吾儒須內外動靜交養互發甲辰歲除
星夜殞乙巳元日星晝殞俱有聲先生應 詔上封事

見素集卷之三十四

傳

八

極論治道本末時政得失反覆數千言大要以正心爲根
本教東宮振紀綱正風俗慎用人重名器蘊民困理財用
飭兵備爲急務末言方士釋老宜加痛絕疏入留中群姦
切齒伺之無分毫失久之以同官公過連逮出判普安公
委北上次辰州聞 憲廟計三日不食 孝廟嗣位

起三原王公介庵爲上宰公功業自効聞先生至邀坐後
堂咨訪竟日明日再邀不赴具言今日大本無急正君然
非一人一日之力宜早堅 主上嚮道之志開進賢之

路庶本正源清制治保邦可次第而舉言甚切直介庵受
之欲引吏部屬爲忌者所沮僅判廣信未三年凡再上提

學不果先生以易洞憂去位服闋即家授興國知州居八月以錢孺人憂去位服闋倪文毅公當軸收拾名士即家起致仕僉事章公懋爲南京國子祭酒先生爲南京儀制郎中未四月遷廣東按察司副使奉勅提督學校歲

餘入賀道清遠山水暴漲舟且覆先生衣冠祝天度不免闔窓端坐與繼室陳氏二女丁氏伯子咸叔子尚季氏啓一家十一人俱歿惟仲子同與一僕以他舟僅存嗚呼酷矣弘治癸酉三月十五日也生天順丁丑五月十有九日先生德器充完涵養深粹圓運方晦含顯靜待動長不踰中人而信古任道有萬鈞之力崇正闢邪有萬夫之勇至見素集卷之三十四

傳

九

四

於群吠衆譟不震不挫則又有百鍊之剛焉誠孝天至伯叔無異財親喪骨立儀禮襲用無遺至身無完衣子女踰期無力爲嫁娶噫亦難矣位署清局無事樞無言柄將欲一身任世責之重而盡還淳樸之風愛君憂國性真然也教人必先心身四方從學屢恒滿戶外先生必正容端坐澄心定氣使燥慮消息方與開講辯析疑義細入毫芒而文字正大不涉荒怪故門下之士成大名掄大魁青緋中外楚楚焉嶺南教法以厚倫爲本格物窮理爲務脩身而達之天下爲期假之數年文教可知也先生爲政以風化爲先而誠動之普安夷酋有贊禮將先飲以示無毒先生

曰何不相信如是飲其酒却其贄夷酋感畏遵約束終先生在不專殺一人時輸納絕火葬歐冶所授科目於是乎有人信有兄弟爭訟者先生久不決曰將使自感悔耳既而果然薊溪義勇以私隙誣隣民爲盜斷其舌而汗鬻其妻女隣斃獄中先生宿驛舍夢若聲寃狀詰旦果得訴者一訊而服未豐銀冶群盜時竊發先生巡視解散同寅坐事先生爲曲處乞印易牒獨執不從曰某平生惟辦此一片心事君果誰欺耶其人久自悔服遇事詳緩慎縝不用爲沽釣士君子恒信知者姓名時見薦剡王介庵對人必曰佳士佳士子長先生五歲始識之同年稠衆中委蛇暇

見素集卷之五

傳

十一

豫德輝動人自是屬心焉先生亦誤與可左官姚安無復敢送者獨先生與楊公邃庵數君子致詩先生復徒步十許里爲別則知已鬻馬爲論列計矣予既復官先生亦就謫所龍關邂逅因得拜易洞舟次益信先生所得之深又數年過潤則先生之廬不庇風雨予括囊僅助二金嶺南之行僅助一公服又數年又過潤則先生之廬幾不可入矣或問先生儒而迂何至一第不治曰有之箎瓢陋巷顏子則然何至女子二十六不嫁曰有之程氏孝女明道則然在士夫亦有異議者曰有之閩道不識瀟溪則然先生其猶幸于今之世無考亭之難處者抑儒運之衰一至此

極而天亦有所陰佑於不獲已之間爲承祧之地者先生號補齋所著有補齋集若干卷大學疑義一卷洪範正誤一卷四禮儀註若干卷中庸語孟易說未脫稿又欲繼朱子之志以儀禮爲經禮記及諸經有及於禮者爲傳而補以註疏未成書云贊曰儒學不傳得其門者或寡補齋蓋將有意焉冲澹渾融窮探力贖而志之所向不息不岐觀其行已事君誨人著論大略可見已使得幸而及程朱之門淵源之續其殆庶幾焉倉卒水禍一信始得屍而衣冠端整殆所謂俟命之至確乎其不亂者斯補齋之終也

雙松先生傳

傳

見素集卷之三

十一

雙松先生諱璧字世調世爲枕峰林氏宋神童科進士禹臣子津龍爲常平幹辦公事稱常幹林遷塔林稼翁也四傳爲封戶部員外郎公樵樵四子伯雙松與仲子壑季子空尤傑特伯仲先長遊吾莆從編修李先生士英授經攻苦忍淡夜讀盡四鼓啓明見復讀成化辛卯伯仲領鄉薦壬辰戊戌先後第進士伯戶部仲工部皆主事員外郎郎中其後雙松爲宰臣所知拔勲部壑復除祠部皆有宦業雙松尤開朗有犯委委謝過不屑辯枉直淺中狹量諛嫉險刻之流見之風消權關柄將陰易故武以無甚民屢嘗監內廩芻粟官坐守支死妻子不得歸爲處得歸太倉視

事絕齟齬寅入酉出比歸過午門率漏下十四刻寂無人聲猶局步斂容疾風甚雨無異爲寧德林莊敏吾甫翁司徒所知父喪服除不欲安要局復求戶部復戶部尋擢以爲湖藩叅政分守荆南歲餘視藩篆藩務故叢委加以三藩府之建三親王之國十數巨璫之奉使歲之賔與供臆紛拏爬梳有餘直餉軍都勻預文綺之賜弘

治丁巳陞中奉大夫廣東布政司右布政使省公徑澄吏弊抑柄臣進香之擾時議縮師生膳費雙松曰爲國育材奚費窮治驛遞私廩曰法去太去甚下官祿薄未易責之深夫網密則姦起破觚斲珣蒸蒸而俗阜秦漢徃事鏡戒見素集卷之三十四

傳

十三
五

也疑獄多從末減貢院增闢爲新已未轉左廣西大夫階通奉兩藩連壤雙松念母華宜人老獨身迂道兼程數千里而至至前一夕母病卧床褥顧叔子址曰思見而兄址曲意慰懷曰且至翌日果至慰問悲喜踰六日母逝視藥視斂因得以自盡其情凡三過家壑率以公便偕至家後壑爲貴藩叅議兄弟金緋塗亦領鄉薦隣曲聚觀爲榮既喪母無意仕進玩易攻詩泛涉數學與二三耆英爲秋江泛月之遊望六猶未舉子涉秋園亭前西瓜突出一本塗謹護之祝曰瓜結兄當子果結是歲錫福果孕戊辰冬季雙松病不起目錫福念之屬意于塗沐浴衣冠而逝二十

九日也年六十五枕峰壽丘之原雙松蟠鬱愛之號雙松
運剛於柔括顯於晦售直於坦植廉於同而處之一以仁
裕自視若無官親舊衰落之門衣食婚喪人爲之地藩之
長入覲行費皆出區畫比入賀長一無所謀公有所預亦
靳無與長去贖復厚有詰曰同僚如弟兄何相猶耶人服
其量愛弟誠至腴田一意爲讓所居竟舊廬囊無贏貲或
疑其詐曰不可欺者天耳所著有愧遽集 贊曰易包荒
得尚于中行書有容乃大韓魏公之博大程伯子之春風
王文正公之引咎不辯富文忠之不問詬者溝澮河海之
不同量信然哉福唐泉山誠齋雙松同時稱三林誠齋恂
見素集卷之三十四

傳

三
武

恂退讓泉山雙松無可無不可和不同溫潤而栗所謂君
子者二公躋要詣極雙松資望已偏竟不復起以左轄終
爲世遺材有幸不幸者

謝都憲約庵傳

謝約庵諱士元字仲仁世爲長樂僑姓童孺時嘗獨卧僧
樓祖母夢大星起樓上異之諸孫方治經即不局局舉子
一事第進士爲主事分視京儲論時政與中貴異求之無
可過王忠肅崔荏敏知之薦爲建昌知府始視事訟者懷
詐牒滿郡庭公立發數奸其一方出券公遙叱曰何僞乃
爾訟者愧屈人驚以爲神其察事舊而券新也爲治先化

後政骨肉之訟先教之悔南城民誅妖石佛蒙腐鼠棲之屋以集群鴉公碎之魯巫托神妖言禍福公至托畏公去無敢復妖郡衛並置武流入私餌庇盜竊無虛夕公怵以法盜歛新學宮聚書萬餘卷禮器樂器以備暇則臨視督課按射禮習行之士賴有造川嶽之氣亦於是乎還狀首則張宗伯昇三魁則羅少宰玘甲科禪續斯爲盛祠李泰伯墓表孝節門梓行敦化表忠勸學圖詩以流布村市歲再饑再發粟既盡繼之以俸以歆感延糴建恃爲命夏巡視時正旌其能進階與 誥封其父磐中憲大夫知府

母陳配陳皆恭人秩滿民乞再借

憲皇帝進其俸命

見素集卷之二十四

傳

十四武

蒞三年以憂去郡補廣信聲先人習瀕代處山民盜鑛擾求豐猶自引責耀兵靈鷲爲諜者所誤入其伏笄中左股公裹瘡督戰大譟殺入賊大敗俘其首塞穴而還分守東川夔之東鄉連三劫公立城戍擒捕數百賊建始土人豪奪相讐殺奏訴殆無虛月事于湖川徃徃怯深入違期會停案養頑公徑徃繩數魁直之土人大戒韓司徒文時在同事服其有勇吐蕃二姓擾邊公徃經略聽宣諭而去弊孔搜剔邊儲核隱石計者十三萬而畸卹故官鬻蜀之流餓衛之還鄉而收瘞其道死自叅大政右布政使右副都御史在蜀者八年蜀之人益恃爲命性疾惡吳叅議英者

輕狡善暗計必無利于公據數事奏之按無驗英坐誣愧
死公召還病乞骸骨而歸歸四年年七十以卒公天性孝
友出視官入則色物爲養終其身兄弟無異財俸之入弟
主之嫁具姪必子均食口多自粥以先家衆族之貧生而
舉火死而蔽賴之沉實善任所至必欲流盡惠屬人故始
而愛繼而思建人構生祠樹遺愛碑其再經于建也民空
巷走迎豚肩法醞效殷勤者肩而入歔噓泣下公爲之酸
楚慰遣而去嗚呼政之得民有是公之學尤發於詩所著
有約庵集詠史集行于世子廷柱廷棐廷最廷柱今爲湖
南按察僉事見素子曰民命于君而司之守也漢宣帝有
見素集卷之二十四

傳

五

志

言與我共理者良二千石黃次公劉祖榮寇子翌在漢之
理有足稱者成化間郡多良守盛延平顯楊嘉興繼宗公
建昌尤名治行皆躋位中丞公以民願三年留不按選格
弗時宰意既去建猶補信州未滿四十日又補永平一守
留滯幾二十載自信而違俗難翁張如是斯循吏之所獨
少也

行狀

贈文林郎監察御史陳公行狀

浮山義士陳彥貞甫豐頰長身少年學雙舞劔棄就伴讀
郭學經有司強辟通掾猶用儒進取久不第遂就掾試

得七品秩待次銓曹大宗伯胡公榮重甫風格延致西賓
屢欲論薦甫辭謝不可歸省親于家正統己巳虜寇我北
鄙 英宗睿皇帝親提六師正其罪權奸擅柄乘輿播

越南應募爲千夫長統三十六州縣兵與虜戰鴈門躍馬
突陣出入如飛虜應弦斃錯愕走逐壯數十里關賴以完
巡撫朱公鑑深加獎勞錄在功首庚午戰代州陣于北門
虜衆多吾兵少圍繞數重矢下如雨甫出殊力死戰虜震
却甫奮擊潰圍多所殺傷時盛暑甫憤國辱痛心疾首日
夜不解甲血汗沾背力竭病渴數日死七月三日也葬天
壇山之原得年三十有六諱福贈監察御史陳之先大原
見素集卷之三十四 傳 十六

人元季兵亂徙居浮之北王村曾祖信卿祖敬父俊皆隱
德弗耀母唐氏配楊氏年三十二先卒贈孺人繼范氏封
孺人楊孺人二子長政南漳典史次孜湖廣按察副使字
勉學居靜任煩能持廉名宦業方未量孫男七人大經國
子生大綱邑庠生大紀大韶大武大夏其一大綸早世孫
女六人 曾孫男一人應奎曾孫女二人范孺

人歸甫不數歲而孀年方望立已無遺血能矢不二天教
撫前人子以偕于有成裕厥來昆君子謂能節而愛也年
七十二弘治癸丑五月五日亦卒計至勉學棄官服喪諱
詣俊曰孜七歲喪吾母十二歲喪吾父熒熒罔知墓石未

刻今將祔繼母于封將求有道者銘行實之狀將以累子
遂受爲之狀以俟採擇焉

吾母安人黃氏事行

吾母安人黃姓東里人唐御史滔宋狀元公度之後父諱
滋青田訓導母林氏陝西按察副使時之女媿賢儷德吾
母既性且習及歸吾父主事菊庄翁吾高祖教諭三復先
生規範整完吾曾祖處士德齋公曾祖妣方孺人爲子婦
賢吾祖教授敬齋公爲諸孫又賢當是時家法稱吾家方
孺人俊及見焉吾祖官在外吾祖妣趙妣皆先世奉事太
姑諸孫婦任責焉方五鼓序立床下問安否一應對失節

見素集卷之五十四

傳

七十五

門啓閉有聲即叱去黎明梳洗坐堂上諸孫婦東西行授
事曰髻弗整倉皇後至行步身動搖又叱去日較所讀書
園圃所治之業烹調紡組之職一不可則又叱去無免者
獨吾母能得歡心方食少善飢吾母日進六七食稀稠酸
澹默符其意善感能調冷熱之候氣善滯能摩熨以居流
暢善麗則伺其睡熟扶俛側卧移其手不使覆胸既安適
徐出織麻課俊兄弟書欲卧則曰俟盡此麻或啖以時菓
以起勤事頃復往候方麗則微呼或瓜其足跟出息以接
其氣既甦誘與語既睡方就寢及覺又已在旁問安如是
者夜五六起蓋衣不解帶者二十餘年稍疾則徹明不交

一睫彌數月不厭藥不俟試如其分有新物百方致之方有姚氏甥鞠于家吾母百心撫視以悅方意方嘗曰吾無是婦前死十年矣又曰汝必有厚報又曰汝俊娶婦吾目瞋矣方歿年八十有六手二簪與俊曰吾不見汝婦蓋久辦也吾母曲爲逆婦時俊年十八跪言曰幼習未定又祖未大祥不可方曰言是吾祖亦吾母是賢在揚州命侍官次吾母曰太姑在不可以行遂促吾父携少母楊以從楊與吾母處四十年踈簡多病吾母躬調美食致之楊或不食候強之子同仁均視人莫知其嫡庶家雖無多積然賓祀曲致厚潔有求曲畀之至自落其衣珥姪婦求履材無

見素集卷之五十四

狀

六十五

可與者時方作吳氏妹嫁被彼戲曰是可剪矣即剪付之既之被不成人以爲笑三族加割惠吾伯父母外祖父母吾舅喪葬族祖師禹師堅師通娶皆力相成事劉氏表妹藉庇尤多陳氏姨三子遂國子學正琬瑯舉子業皆有聲一歲俱死成落門吾母令吾睢州弟侃與傅各許一女聘其孤平生無深坐無疾言無見喜愠方與女賓坐報者曰二郎鄉舉俱中謂侃及崇明弟僖也吾母不答又報頷之略無動容盥浴食飲客至索茶酒未嘗一呼侍婢雖俊輩竟不能知其音吐大小其所徐答則其所未愜意者也俊兄弟少學罵人禽獸則曰村俗何異遂不敢罵人疾走則

曰無急事俊言直得子有竒夢以語所知吾母曰驗未蓋刺躁也吳氏妹死殯之婿疑歸其資盡笈筭出之母指一簪曰是借之某者餘留新婦宋氏妹欲爲其婿求進身於俊以屬吾父父曰屬汝母吾母日三至軒中亟去故無是也疑爲覓遺物不荅久然後知其重於言吾妻性頗急請裁之吾父曰汝母能是耶吾兒倦於學請教督之第曰當學素少病嘗一卧床褥吾父嗚咽不自勝顧謂俊曰吾得後死供香膳三年報之足矣汝母之善有非人所及者問之曰是豈可兒輩道耶蓋吾母年四十即自居老成有隱德焉至老紡績不倦夜率盡二鼓俊懼其勞笑奪之坐少

見素集卷之十四

狀

九千

頃徐取將事又奪微笑曰母妨也足不出閨門雖孫婿輩少見其面見亦不交一言或曰家俱平安則異事也俊方伯命下有司勸駕焉俊辭焉姻族議不可吾母曰任爲之中丞命下有司勸駕焉俊辭焉姻族議不可吾母曰君命再辱母辭第早歸耳嗚呼不孝違吾母之教矣其如何其如何嗚呼吾母幽閑貞邃恭順慈孝侯唐未足多也俊豈敢誣吾母俊出餘二年六疏求歸皆不得報今承之巡撫晝夜勞役期盡歷諸道以報上恩遂自劾

擅離之罪徑歸不謂吾母計聞矣弘治癸亥七月廿又八

日丑時也生宣德戊申十月十九日戌時其造申酉戌亥

或曰德之異稟之純也男女八人俊侃傳僖吳氏妹吾母
出佐方氏妹宋氏妹楊出吳方二妹早世孫男十人達遇
適遴適遠近遲遶週女九人曾孫女三人墓在雲庄勝塘
十二月二十一日其葬期也俊嘗欲傳吾母事行以爲家
訓因循有今凶疚荒迷續述弗次舉一而百漏不孝何加
焉惟大君子評隲以籍手求言史氏不勝殞越願幸之至

明文懿公楓山章先生行狀

楓山章先生諱懋字德懋號闇然翁澱濱遺老其晚年別
號也蘭溪純孝鄉人上世自建之浦城來族代有令人

國初起人才不就爲叔良甫公祖也質厚有鑒識贈朝議
見素集卷之二十四

狀

二十五

大夫南京國子祭酒爲申甫甫公父也無擅遂無獨成贈
恭人爲吳母也公生正統丙辰壬午魁于鄉丙戌試禮部
爲會元入翰林爲庶吉士爲劉文安柯竹崑獨與不涉交
潤劉云然詩本諸志而文本諸道柯固云爾也編脩甫四
十日偕同官黃未軒莊定山論上元烟火非是謫先是羅
一峰論首相不當奪情亦謫時稱翰林四諫爲榜得人毛
給諫弘論救改南京大理評事由儒飾吏不腐不深南俸
入視北乎縮例益以堂隸崔直之羸公獨無益遷福建按
察僉事體仁藏用與道弛張沙尤泰寧閩漳山海之寇皆
有以俘其魁離其黨以默囿完醇之故而賁桴土鼓非世

觀之習也三年疏致仕以去尹莊簡固留不可三詰而終不變時年四十一人以爲難既歸其貧守道奉親外閉關讀書畢心體認之學而言必根志志必宜用用必副功楓山授受提挈綱要以自得悟領之精蓋至是公之得益深士之風爲之一變學子至不能容白沙一峰定山皆極推與朝論時有所薦張莊簡儲殖庵潘南山尤道味同也

孝宗朝南北缺祭酒倪文毅起謝方石于北公于南時未終制詔虛位以待既就官開示近裏南士意若無苛比論理道探索幽隱論天下古今事若生其時履其地處分其虧成五經論難着寸筵撞鍾迎手而應然後知書無不讀見素集卷之三

狀

三仁

理若事無不會學政時政有疏勤聖學重詔令謹天戒隆繼述謹大婚疏 武宗朝如此前後兩乞致仕 温

旨勉留有老成端謹聞望素著宜師表之褒既三年三疏請老而自問醫東下南京太常卿辭禮部侍郎又辭既致仕儉壬鼓奸綱常易故縉紳懼毒在 宗社亦爲之搖

公明炳幾先而憂同在位者盖炳炳焉江之寇陷浙公移縣城矮屋三間左寢右爨門垣不能備侍御鮮君冕張君縉給諫徐君文博守劉君范時疏舊學者德表以風

詔加存問 上入正大統再用言者薦加南京禮部尚

書致仕有學行老成名實相稱之褒報至公已床褥曰噫

無以報爲也疾亟與林守有年論古今事與姪贄論君大夫保天下國家之本取士會父子庶幾未旦故居之前星隕申及化辛巳除夕夕也壽八十六善類相吊皆曰章先生亡章先生亡公仕籍幾六十年官僅三考立朝僅四十日城府不見其跡者四十餘年義利界軫表坊立第辭之甚峻易深而善於用健取乾定取履順取巽固取恒粹中貞格真足以歆動一世表律天下之士夫不知古君子何如配郭恭人善共艱難先卒子振擴捷孫訢曾孫衢試皆夭歿誥不慧少子接八十二始生今始五歲天固章氏念也壬午三月癸酉姪方伯君拯奉遺命長山祖塋以附以

見素集卷之二十四

狀

三

與郭乎合以不煩有司既畢事檢其笥文幣數端二婦穀五十石妾尚無遺完名始終其偶然之故哉 璽書存問之使及門已不待 賜葬賜祭贈太子少保謚文懿

皆身後之遭事行門人董遵記爲詳所著有楓山集婺鄉志蘭溪誌所輯有諸儒粹語宋史刊誤未成書俊臭味偶似出處大致亦殆有同者楓山還往拜里門而叅几杖抵足前席時若有所寄是日何日忍登公之堂哉景仁之傳後死者之役也捫泪評騭俟立言大君子碑有道者

見素集卷之二十五

後學黃佐校正

孫男及祖重梓

贊

南京禮部左侍郎樂清章恭毅公忠在朝廷名在
天地紀述在史官典刑重在後進俊辱公子給事
順德交獲覽事狀豔慕公益深謹作贊曰

爲而難時而又難奚覲而安楚而毒鍛而又毒奚仰而告
胡以見剛公也斯償胡以見直公也時式疇曰匪天公死
載完疇曰史亡公世載光天錫公社公穀而齒天錫公社
見素集卷之二十五

贊

一 吳二

公令有孫子

族祖伯安公贊

完樸道散百途競新公樂其獨自序齊民緣達任曠駢首
進趨公違塵枉辭辟中書孤遊遠蹈體素含真知白守黑
執謙如盈述作從志歿弗終否吁嗟先生叅軍之父宗伯
之子

方水庄像

此吾友水庄之像其行樂時也意度閒遠不問可知爲君
軀軫脩偉繪事化之要其妙不在此也東坡自規其貌於
燈影之間把玩形似譁浪諧笑朱墨之工亦末矣毓晦丘

樊無求聞達公車不登而鄉曲有令問鹿門谷口居然風
致种放董英之議無及焉是爲寫君之像

題達小像

盛年何自多病達多病又未有丈夫子學成否未得逆知
也皆所宜爲念者命作小像進之曰達吾語汝父母惟疾
之憂夫子所慎在此也念之哉子承父後汝爲長宗祊汝
屬也念之哉形天地間靈而秀於物者人汝形貌人也亦
具所爲人者乎靈而秀於人者士汝巾汝衣則士也亦具
所以爲士者乎汝懷抱之隱道風行業之顯然吾不得而
知也吾欲汝爲子瞻汝弟適子由吾不能老泉欲汝爲純
見素集卷之二五

贊

二 鄧光

仁適純禮吾不能希文欲汝爲伯子適叔子吾不能大中
獨汝愧乎哉吾老矣所不能爲汝兄弟及爲之念之哉謂
子賢愚不足掛懷抱任達語也孰不愛其子教之聖與賢
教之的也元亮責子天道苟如此且進杯中物堯夫亦謂
望子大賢不知天意從否二賢距拔穎脫流俗外於諸子
特未忘情爲善由已聖賢可學而至無與於天也借天而
言責之子者至矣父見素言

題長城林氏始祖沙公贊有序

公諱沙字用淘林氏入閩黃門侍郎十九世始祖也居長
城惠寬翁父也公起省元爲台州知州再爲宣州同知三

子伯氏通判昌徙穀城季氏節推旻徙梨嶺仲氏提舉寶
仍居長城孕祉毓靈駢發遍盛生中允壽壽生評事從楷
生太常卿上柱國誕曰三世青雲者誕之子金紫光祿大
夫文忠公英英子太常卿定定子鴻臚卿思明也曰五太
常者誕英定思明英之弟秦之子太常少卿惟亮也戶部
郎中堂者惟亮九世孫縣丞玉者堂之孫至玉子而家始
落長城一派亦易舊觀王之孫謙德甫僑寓隙宇中雖自
溷編氓而拳柯礫節居然古意歲時祀事懸金服紫真影
列滿家予群兒時從隣壁伺之吾祖教授府君語曰是故
吾族壁間者皆其祖也一孫弗立遂以有今汝曹戒之公

見素集卷之三

贊

三

五

侯復始是後宜有興者固未宜渠易也故甫過吾家吾祖
必引與亢禮是後甫之子啓善氏兄弟頗植有家諸孫頗
儒業公之後又將螫螫然起復始行驗矣嗚呼弓箕世業
也遺書手澤存焉耳今夫舊家故族得先世之告身墨蹟
十襲傳寶如弘璧天球矧始祖千百年遺像瞻對有奕者
乎宜啓善氏之珍愛也展玩慰浣敬作贊詞詞曰古貌長
身氣清以神索而內之可詳公真襲紫承緋道業允紹窮
而遠之可觀公世大物屢改公系公支大數屢劫公像公
遺孰謂鬼神而不執其幾開必先晉安數百年之武貽若
後長城數十世之傳孰謂天道而斯乃偶然同源分流眷

言疇昔式告來仍永思無斁

方體安贊

流不易東繪不易素從事中更服儒故步殷敦夏彝古物
存焉周行蹊徑時命屯焉朝霞夕烟軒冕儻焉宜崇而卑
會計當焉孰速其歸來鳥飛則倦焉委分食貧全真佚老
鄉邦則勸焉

五馬行春贊有序

此圖吾友黃文大化州時也勞農勸民守之常職而化乘
數亂之後人無定心四遠逃難之民與逃死之盜叅伍走
界上求受屨而民先是時非誅則逐耳公開釋兼受而民

見素集卷之二十五

贊

四

鄧洪

慶之故俗耻爲盜而盜亦盡化爲民菜闢我壤地實我民
版而化成完州公之行春如此贊曰有賢化州政是優游
無擇奸良並蓄而收毋扭習常干我官紀誨諭諄勤家人
父子維昔化人泔粥紛麻自公來只始室而家維昔逋流
骸骨暴露自公來只溢我編戶時勞時循于化之鄉我公
戾止樹如甘棠愠有惠風旱有時雨民是飽嬉歌有召父
公施不有在貴而貧推而放之三族爲春翌翌歸鴻叢桂
招隱種秫開園德星東井

王石泉贊

維實維畜有舒自履動維雷行靜乃山峙載馳載奔道允

默存以偃以息責彼之園于謙有鳴聲搜影跡謂聯其翔
乃滯其翮莫我有知弗容奚病無成與虧松栢命正

鄭崑山贊

韻脫神灑風宣氣融有燁標表黃裳在中冥棘玄鈎心迎
意會有黃鼎耳文成彪外流電一瞬勁颺八紘目無寥廓
飛走疇爭曰止曰時含章于晦柴立厥中與天日對

竹亭壽意贊

匪附匪岐有虛斯直有羨斯亭淨焉如拭遠韻孤標于淇
允式霜清玉寒作我金石

山齋行樂贊

見素集卷之二五

贊

五

王正

揆耀含精指呼五城有翔厥酬以皇厥聲紫氣斗間神物
化冶有秘其芒一函天假立厓瘦竹真風送恬舒弗竟懷
伊世之占

黃后峰野服像贊

后峰非時人其小影巾服也殆野之人吾不知吾不知心
則獨畏也贊曰太始易位售贖替真孰與其還我思古人
維高易搖維白易黑斂以若無安此晦默學由正基亦以
虛受冥搜廣裒以畜其有絕瑕去類玉絜冰寒野巾山服
曷有其官獨峰亭亭鄉國予眼有宣厥靈締是歸晚

睦州公贊

公諱披字茂彥挺特克實年十五手抄六經子史千餘卷
天寶十一年年二十擢第爲將樂令遷潭州刺史澧州司
馬康州刺史貶臨汀郡曹掾改臨汀令地多山鬼作無鬼
論鬼竟不妖奏授臨汀別駕知州事風流人化治聲聞闕
下御史李栖筠奏授太子詹事蘇州別駕賜紫金魚袋上
柱國鮮綬四十年志尚高潔寵辱不驚廣帥薛景公奏授
都督不受故相國常袞曰林公出處猶龍所居有青蛇白
雀之異子九人爲刺史寶慶元年以藎恩贈睦州刺史事
見唐書贊曰天壽忠烈因生錫氏王鈕金繩鸞停鵠峙温
陵十六我公愈偉氣直道完論著無鬼出處猶龍德星萃
見素集卷之三十五

贊

六

止休符顯祚嗣九刺史

端州公贊

公諱葦小名曾奴睦州長子初朝散大夫奏授西平太守
終端州刺史贊曰林顯肇周百葉彌盛自固徙闡寔首鉅
姓瀛高睦祖三葉從政篤生大宗玄默允敬作刺上州弗
憲有令九侯並列錫類衍慶

江陵公贊

公諱藻字緯乾睦州次子兄弟業文度梨嶺誓曰彼鵠彼
鵠睨在目堅取乃速二三子無替省試合浦還珠成假寐
夢神人語曰何不叙珠去來比悟修曰珠之去也山無色

今氛霧冥冥海無光兮空水浩浩珠之來也川有媚兮祥
風習習地有潤兮生物振振果中第主司桂黃裳曰叙珠
去來有神助貞元七年擢進士爲闈礪竟第蘊亦明經及
第歸復題曰昔向嶺頭題姓字不穿楊葉不言歸而今各
折一枝桂同向嶺頭聯影飛初容州支使殿中侍御史內
供奉嶺南節度副使終江陵府使郡守陳偉祠于學事見
唐書贊曰華夷軫懷遐農負耻相先業儒彼鵠自矢賦成
神助破荒伊始並影于飛穿楊符喜容州江陵四仕首尾
廟食垂慶平叶光有前史

橫州公贊

見素集卷之三十五

贊

七

鄧公

公諱著小名友直睦州第三子貞元六年明經及第初歸
州巴東令次邕州經略推官終橫州刺史贊曰薛鳳鸞騰
荀龍天橋三仁系殷十德聞趙烏齋宣靈白雀明
聯芳前良聿紹符竹橫州俗是馴擾遠操孤風宣

韶州公贊

公諱薦睦州第四子貞元十二年侍郎陸贄下明經及第
初衢州文學守郊社令歷北陽終韶州刺史贊曰韓愈
螺窰齋澄渚人物一時芝蘭玉樹懿懿韶陽春谷矩矱不
拾大魁文學掌故載令載刺亨衢傑步沿秩賜緋任隆進

素

通州公贊

公諱曄舊名思睦州第五子奏授滄景司馬賜緋魚袋除通州刺史贊曰烈烈通州松栢受命緋衣銀魚穆莊有敬爲民作常執維申令由晉入閩纓簪輝映五百逾期于斯焉盛胥成而堅旋軫歸慶

邵州公贊

公諱蘊字夢復睦州第六子與兄藻歐陽詹讀書泉山貞元四年明經及第復舉賢良有天不厭直復生微臣之對辟蜀推官劉闢反公切諫闢怒欲殺之公曰危邦不入亂邦不居得死爲幸闢陰戒僧人以刀磨其頸脅使屈公叱

見素集卷之三

贊

八

曰死即死我頸豈爾礪石耶貶攝唐昌尉闢敗還京說滄帥程權歸闕除水部員外郎拜邵州刺史知洪州唐書有傳贊曰明明我祖精忠卓識結志藏脩奎纏有奕賢夏落對式是亭直抗義陳詞秋霜杲日載罹虎口刺史攸

循州公贊

公諱蒙舊名元睦州第七子奏授孟陵主簿累遷金吾衛長史桐州刺史終循州刺史贊曰肅肅諸祖不競不練勾稽匪懈樂是輯柔乃執金吾乃殿循州襲芳序迹良冶作求橫行獨步並有九侯東堂陵谷世遠名流

雷州公贊

公諱邁舊名粵睦州第八子明經及第初調循州興寧縣主簿累遷商州雷州刺史贊曰洵美我公執德弗回席庶承祚出穎掄魁興寧伊始嗣有商雷靖恭玄默以封以培政是靡忒萃渙激潰波餘後萌遺像興衰

福唐公贊

公諱旣睦州第九子睦州夫人鄭氏生端州江陵橫州韶州通州朝廷以莫侯陳氏有米繫之德主繼睦州封南安縣太君生邵州循州同州最後朱氏生公自號四明處士初調京兆叅軍春秋博士累遷福唐刺史贊曰衍衍四明見素集卷之五

贊

九 五正

福唐尉公贊

續授潛業園其醇源雲居有燁獎恬超落叅軍以徵博士嗣遷刺史是承謂難其八又終其九父子弟兄十烈並躋虎皮羊質畫脂鏤水允揚其体式告來仍

公諱攢字會通尊之子睦州之諸孫爲福唐縣尉聞母病奔還母沒埏磚甃開坎室有白鳥甘露之祥德宗詔褒嘉立雙闕祀鄉賢祠唐書有傳贊曰謝故蘭王玄復其允許國諸子夷簡維優憲憲九牧忠則邵州公公從子純孝作求荒廬口血木斷山秋白鳥啞啞甘露油油事聞旌命有燁斯丘滄桑物改雙闕時留

宗正寺簿公贊

公諱應成字汝大號矩軒宋兩請進士得之公之子嚴重
平粹時復齋瓜山師事朱文公獨不懼師事二公公師事
二公師友獨不懼又友其子四如循仰止規約續講東湖
得文公淵源之懿遂見卓識爲一時道學推宗與子棟同
登宋咸淳辛未張鎮孫榜進士攝官寧德以理裁事法折
勢入臺幕獲上信友宋衰以宗正寺簿宣撫司機宜安退
講道東湖之上一時名士多宗焉贊曰莆興道學艾軒始
之復齋繼之復齋瓜山借事文公公事二公獲聞文公咸
淳之間父子進士不利于施乃見其志東湖講道戢景逃
見素集卷之五

贊

十一
五

虛一時相推則有四如文公過吾家題曰門對小壺山樓
接尊經閣四時趣興清萬代詩書樂斷墨猶存相傳公逮
事焉今考文公卒慶元庚申去公咸淳辛未登第尚六十
年豈題述在公祖貢元父兩請時耶

同安公贊

公諱棟字用可號松湖矩軒公長子父子師事潘瓜山陳
復齋講道東湖最後公又事黃獨不懼友四如與父同登
咸淳辛未進士歷知同安縣事有廉直高古之聲慨宋社
云屋托興迷途尋焦光舊隱之處講明道學以淑諸人文
公之澤注東湖而演迤以盛公父子達之也贊曰公事陳

潘又事于黃父子師友金玉其章建水有泚日遠彌長瀆
之東湖臨視泱泱孰利于涉公也其航載溯之源載漱之
芳有開道先永裔之慶

知州公贊

公字于高號慎齋松湖公仲子俊六世祖也文公講道東
湖復齋瓜山傳其學公祖若父逮事焉四如與祖續東湖
之講公偕伯兄教授于野又逮事焉傳介父弟山長子泉
同知子木父子兄弟四進士退而益脩文公之學型冶所
就世林門文章世林筆位遇雖不逮關西而物品殆類公
終瑞安州知州事狀遺失所附見與子木並庶名贊曰漢
見素集卷之三十五

贊

十一
三五

有荀陳宋有胡蔡建陽大成儒宗允賴紫氣停炤脉焉如
帶孰引而長以瀆以大業維經承巧乃暝會三葉弗辰爰
有遺愛綠槐誰庭久而未艾星流日翔碑板光怪

同知公贊

公諱以順字子木曲陶郡伯公仲子與伯氏玉井相師友
以究心艾軒踐履之學續矩軒東湖仰止之傳以至治辛
酉進士授海寧丞慶元浦江尹台州推官蔡蓬頭寇海上
主者議招公爭不從棄其官去方國琮之炤遂不可已提
舉江西時州郡多陷富州已危公署其篆以安旣代州遂
沒歷福清知州致同知福州總管府事授徒終身公忠誠

不欺方謹奉其職官四十年故居不易一瓦衣麤食糲釋
口然後言晚望靈光巋然于諸老凋落之後過者考德陳
有定欲清三路求贊畫于公辭以老以脫興兵禍洪武甲
寅壽八十一而終祠在鄉賢孫曾起進士爲廣東按察僉
事卒不能棺世其庶云贊曰衍衍我公聯世其美考亭城
山重規疊軌果德正行不我有已任獨于同爲什爲起危
以公存轉足失恃遺直高陽維坊及里清白維遺厥孫是
似

縣尉公贊

公諱師傳復諱師說學脩字以父慎齋公蔭授將樂尉改

見素集卷之二十五

贊

十二

甌寧有平寇功再授仙遊進義副尉以沒鄉人方德至銘
其墓曰祿不掩其德位不逮其才意其蘊厥美以昌後來
其所以承于世世者蓋未論也配方公嶠孫女孝而能
慈力教子以承公志誌今闕附于譜與方誌者如此贊曰
脩以世長用以時詘于後于前于作以述

三復公贊

公諱璫又諱圭信玉其字號信齋又號三復學者稱三復
先生父諱師說進義副尉公篤自信講學窮理以上續矩
軒松湖慎齋子木東湖之傳薦明經爲莆邑訓導轉寧國
以教不及績復教莆郡寧國尋有薦者召問知出自公復

教其邑以教諭應脩書召請老得賜冠帶致仕天性孝友
元季兵亂活尊幼支門戶時堂從婚嫁而葬其父族七喪
妻族四喪脩其祖祠與高曾而下祖墓從父家大疫藥疾
殞死無忌畏路遇疾者挈共載或借舍館而食一布袍四
十年歸僅七金妻子每食粥二器乳子婦加半器王學道
風爲時推首凡六典文衡所指授狀元環探花賜庶吉士
慈郎中孟喬數十名輩皆其弟子有三世門下者慈旣解
首問所取浙解陳璣公曰渠密于汝會首果爲璣得部使
而下與往來莆者必候問起居以得一文爲重巡視楊侍
郎寧隅坐執弟子禮聽講中庸起拜曰某所未聞時年已
見素集卷之三十五

贊

十三

望九所求文一夕而就猶燈下細書楊以爲難壽九十祀
在寧國與郡之鄉賢事具一統閩莆諸志所著三復集幾
百卷十不存一悲夫贊曰龍起淮甸雲風景從卓彼鴻碩
爲世儒宗藏聲處下一教始終完中粹行式其章縫維道
其南維易其東徂徠明復我公是逢

處士公贊

公諱豫字崇德號德齋三復公叔子學于公退而質諸伯
氏郡博與族人邑博克廣相麗澤以病疴不應辟命三復
官雖久無力爲遺公偕配方孺人盡易釵珥營斗室薄田
以奉父母母喪明敕具美食時僅都憲一子方分及之怒

曰吾母日短兒方稚食有時方媿謝喪葬禮盡而哀恒過
醇靜畏謹處家教子事事循矩度都憲偶觀棊斥不容見
者累日貧而能仁稍餘即及族里鄉以爲鉅人長德郡賓
必致致必辭事問有質婉有所對一日別邑博聯桂坊宰
里一少年前揖公問何徃詒曰府僉民兵即然亦三復郡
博固在公蒞如也家僅一飾酒器亟取賂免人以爲笑抑
吾家今日亦是基也墓在鳳凰西麓夢所授處贊曰懿懿
處士守墨含章善用其拙晦焉自藏曰時幽憂方治靡遑
物戕于明亦刊于方居以弗有言壽厥祥神告吉壤奕葉
其光

見素集卷之三

贊

十四

敬齋公贊

公諱宗字存敬號敬齋德齋公子林自矩軒松湖于野慎
齋玉井子木三復世以道學名公莊重古意而充名經學
遠邇及門徃徃策顯仕天官卿尹公旻尤顯者嘗發解首
爲忌者所落委以命不復試高督學超強之遂捷鄉科魁
乙榜授寧海學正改蘄州致揚州教授以養老母以俊貴
贈通議大夫都察院右副都御史正身率物督士有常程
材成風爲之盛蘄祠之學士考山東王察使越尚浮藻公
務以理勝榜稱得人親老無它兄弟二子一侍家一侍官
率歲終一代其蒞官也寧海之歸無力北上揚歸始暮先

祠故字量周其三族晚得末疾孝敬不衰日數數省父母
間不樂拳跼請過悅然後起祠墓之祭扶拜匍匐淚油
下岳閣老蒙臬爲郡守廉其貧助以河南關之地辭助棺
酬以直爲相壽丘祭之文有未老即歸事育罔遂徵此知
學之與藩臬胡公榮程公廷拱守王公弼累請祀鄉賢俊
辭起征蜀也督學楊公子器姚公鎮檄郡與黃求我黃未
軒宋立齋並祀鄉賢俊又書辭公意也亦矯雜也贊曰于
泮之脊于鳳之趾一昧東湖言世孫子經學垂聞猶取淵
委師嚴道尊名無虛士維祿逮親厥有繩軌歸雁轍涸言
活升水爲周爲辭義適彼已後償于天考祥視履

見素集卷之三

贊

十五

菊庄公贊

公號菊庄朝諱以字元旭行教授贈都憲公仲子善誦強
記偉特而能厚敬齋宦于外家有方氏大母與伯氏歲一
更侍以弗竟垂成之學而責之于子夜分就息鷄再鳴起
偕之所讀經書信口導誦不錯一字一句教諸孫亦然手
抄時義論策殆千數篇性至孝與黃淑人事方共其常事
間出新意以務投所懽方違和衣不解帶者累月事敬齋
五鼓具盥櫛諸具導之升堂退復候之門爲解衣帶視膳
視文事視藥視寢非事事不離親側執喪盡哀處分遺曲
致讓而厚于所後叔氏歲需之繼聯姻族續家譜脩先祠

與瀛州而下十餘墓增其祭田邵州祠力未逮以屬俊創
焉青緋三十年再贈右副都御史壽望八以卒五子俊都
臺右轄侃郡乘僖州守傳佐以義授階孫十四人達員外
郎遇適遜適郡庠生贊曰維性習定粵有源本伊孝伊慈
厥類有續斐我繫念愍日斯短旣腆旣虔節是涼暖居貞
處順厥履坦坦退焉若藏執道日損收之簡穰言告持滿

陳永聲贊

無混而同無獨而異率惟化初守乃先遺逆容順遣羸取
儉致進躡徒巧緩行曷蹟役四體以長勤領一秋於間冀
水雲孤尚道焉隆而與隆墳典故心時乎至而亦至

見素集卷之三十五

贊

十六

見素集卷之二十六

後學黃佐校正

孫男及祖重梓

祭文

靳庠祠先祖敬齋教授

於赫吾祖嗣徽前聞金精玉潔石介蘭薰繪句摛詞蛟騰
海立命鄉進秀青紫芥拾命與時仇僅弟子師枏櫨宗栢
成室異施爍爍文光星流電激紀德祀賢靈祠孔飾俊襲
庶庇庶訪克負矢心敢負白日青天真風聿懷浮榮載謝
過奠一觴以告地下

見素集卷之二十六

文

鄉老祈雨

一 楊玉

維弘治十二年歲在己未八月戊子朔越次日己丑鄉義
等官并耆老 等謹具酒果合誠懇禱于興化府風雲

雷雨山川社稷城隍之神曰嗚呼前歲風拔木發屋去歲
水溢頽垣人没山崩沙壅田皆百餘年未有祗今中產之
家上雨旁風無所爲覆庇厥亦旣酷矣今歲麥不熟自夏
至秋又復不雨禾稼焦死人無水可食災沴之後豈容有
今而又甚者則非官不職則某等齒鄉人無以示風範用
表頽俗天降之咎歎罰則奚諉然亦不謂更無一善者良
者與蚩蠢無罪之細民無亦可憫歟 天以生物爲心神

相天以成人以惠澤人以長 王國世血食茲土者也
不某等存念無善者良者與無罪之細民留意耶今某等
協誠循省革故而効新爲郡衆請命以祈甘澍神其相天
亟兩下土使垂盡之禾萬分一得生民之望亦神之庥鳴
呼厥亦惟神之責謹告

祭丁玉夫

嗚呼天降割吾玉夫其無旣憐乎相古之儒弗罹凶禍蓋
有之未有身着家是以烈也公無摘言無踈步忠純孝敬
績外而粹中可以質天地而通神明其事天也至矣頓撼
斥逐偃蹇艱屯若太阿之煨淬以益堅巨石屹然日炙雨

見素集卷之三十一

文

二五

潤而中無所入竟收用世之利其信之天亦極矣遠倅未
幾三原居軸收之近郡再上提學公以易洞計解官服喪
久之即家拜興國守又以母夫人計解官服喪倪文毅居
軸又即家拜南京儀曹郎未三月又起拜憲貳視學廣南
方是時章蘭溪亦以僉臬委老二十有五年拔起祭酒盛
事並聞善流生氣我 聖天子崇儒右道于斯益光相

臣弼成光大之業與文毅銓譽于斯益起嗚呼公器渾完
涵養深以熟儒之効其大行於今無難也其詎知有是哉
吾道誠衰而天者誠無意耶慈母抱愛子道仆而斃謂若
是憇而故委之非人情然則意外之虞天者亦不能周護

而曲庇子獨過公信天之過也前舟先覆事已可知猶執
我之定而諒天之必信前之勇曷若卻之之智也亦胡損
胡負胡枉已而不爲耶嗚呼其信天之過也氣息久盡冠
襟自如其方寸不亂亦審矣非得之素能之乎嗚呼公之
禍偶然邪抑亦有大關係者公同年中寡少邂逅數語決
知非近世人公亦盼盼及我普安之行抵足江舟宿留而
別其後兩及公之門居益敝壞幾於不可入抑不知古之
人桑樞蓬戶環堵蕭然而絃歌屢空者於今何如也公之
詣極蓋已聖學疆畛升諸儒之堂而窺其奧天假以壽草
廬魯齋之室不足深也嗚呼今則亡矣秉彝人心郡有賢
見素集卷之三十一

文

三

守固將謀公之喪而郵公之後况有吾遂庵豈直宗師東
野之地而已哉生自弗郵胡後之思聽之天而已矣抑吾
黨之賢之所自盡也予涕之從非公之私爲天下慟而已
溺者不弔吾能公乎已耶嗚呼哀哉尚饗

祭夏通政廷章

嗚呼昔公殖庵及我三人斯文氣義首尾一身我厠外臺
殖庵內授公叅納言仍南之舊十年垂隔如叅如商神交
夢悟地短心長我蔗湖憲寔公故里書不及私兩心如水
我病得告公書猶勤朱墨帚筆歲致月分我起南臺公湘
省墓諸子伯我温存戀故公旣來只臨昏過予握手交拜

喜極而悲更燭話言不兩月許公進馬卿開寺江浦聲迹
猶近我巡江西鮮宮內艱重隔雲泥後不再年公轉通政
孚久忌忘物殊價定岩廊林壑分局而居丘烟水樹吾愛
吾廬委重二公股肱心膂爲國著龜爲時霖雨盡臣碩輔
並武後先謂奄朝露乃厄中年公襲相器渾屬遂謹不激
不隨叔度千頃有體有用有德有容有技若已玄齡之風
夏自太師祿賜稠疊迨我清卿班聯寵接我公入仕庶取
廣施家大口衆竟落難支貴而能貧短衣敝襖對客兩豆
名曰學我我起韋布公世金緋各安限分緣學奚爲今人
古行亦孰如公自家刑國終始孝忠柳灣津橋月夕繾綣
見素集卷之五

文

四

假山斷栢斯情可見嗚呼自頃得計尚無月日思公哭公
我心千億一字一泪落公斯文山號海泣風雨晝昏嗚呼
哀哉尚饗

祭宋氏妹

維正德二年丁卯八月某日宋氏妹卒八日兄見素再以
酒肉俛而奠之嗚呼哀哉分合萍寄幽明紙隔形蛻息隕
軫殤奚擇父母生我凡八弟昆我老未死四弟偕存不幸
促齡盡嬰諸妹吳方世早汝復斯背事好難牢境順易乖
汝父汝兄特百茲懷咨爾令妹少安閨儀淑閒靜晦善恐
人知維昔婿孤性分于習汝動以誠波澄風息維昔宋初

貲計涼薄汝重拮据粒累絲縮兩心二紀昕夕苦辛謂家
僅起而病在身黽勉從事不藥不肉日支月撐竟守床褥
察脉視形知汝病亟歸復汝父未敢言實事曷能隱死曷
能作生者甚虞獨汝乎哭一子一女割裂兩孤孰是教語
孰是携扶孰是摩撫以恤寒饑在目千感入門孔悲戚戚
長風黯黯澹雲泡影幻夢予話曷聞存沒未違忍情斯莫
神渙神遊吾母相見嗚呼哀哉尚饗

祭黃叔登

嗚呼謂叔登王立山勁年二十八病數日死耶子友汝父
西溪善前二十有二年哭汝父京師視歛視棺予任焉孰

見素集卷之二十六

文

五

謂今日又哭汝視歛視棺如汝父時也哀哉傷也汝父始
病即以後事托我時謂西溪直方剛亮即不致有顯位不
應年四十六死既竟死又謂宜厚償必叔登也叔登幼羸
弱旣長脩懼予私喜旣又有子又私喜每過予視其睛若
定叩其命庚生於子四柱火過盛又運值寅卯丙丁歲又
值焉謂若過重又私憂然予素不精二術謂不信也予出
再歸汝狀貌豐偉酷如汝父又疑肥太早然謂西溪之後
必昌無疑也前數日方拜我床下求汝母墓銘卜以是月
終襄事予忙奪且病閔汝應汝使來致謝乃知有喉疾予
往視謂宜多致醫汝則閒適若不經意不自意若是之奇

再視則亟不可治徬徨告訣屬予與吾子達以後事出其
母妻子羅拜斯時斯狀可言哉可言哉哀哉傷也汝父死
汝方七歲汝之死汝之子亦方七歲然汝父有父母兄弟
妻又中年皆無可憾今汝無父母兄弟僅一老病之生母
妻又年少雖素賢烈識字算其支幾何汝之慘視爾父萬
萬倍耳嗚呼哀哉天也黃氏世積德有何罪戾西溪素積
德有何罪戾汝素醇謹有何罪戾即天之喪佑豈宜戾罰
又若是酷以慘耶斯神理之不可憑求之天而不可得然
汝子決不凡汝妻有女丈人之風決能撫汝孤弱保汝家
不落無疑汝諸父諸兄諸姻友又皆可托孰肯負背汝子
况有其子若孫者哉予言不信汝觀斯文嗚呼哀哉尚饗

祭白沙陳先生

晚學見素子林俊謹具肴醴托鄉友林君舜舉致祭于老
友石翁陳先生有道之祠嗚呼先生澄澗開閩韻致極高
自游康齋而心學正友一峰而節槩明友定山而詩學又
大進勾押烟霞陶寫風月堯夫之襟度識量高洪才慮深
遠有道之風致而春從懿醇軒特蘄絕則又叔度之雅與
于陵之風焉先生非隱者也元亮八十日縣令晦翁四十
日朝官先生蓋無一日焉處士名高而用多不副先生蓋

才嘗試焉彭從吾首薦朱柳揚再薦不揆小子默致力其間然所以處先生者誠情耶翰林之授我 憲宗之特

見云耳木高風搖行高人毀然而攻洛者蜀人也先生則鄉人焉何心哉我 孝宗恭默思賢言者恒及焉而彼

人方據要使 清朝缺審像徵聘之盛舉彼人死先生

老且病無復周公夢矣先生雖不用於時而道風義槩起鄉人而歆動天下廣之風所以大異於疇昔者誰之功天下之士稍知自立而不隨風以靡者又誰之力歟嗚呼東

漢名節之士固亦有賴于此者况先生重非其儔耶使游瀛洛關閩得其微言與旨侶群哲會數聖以肩項四子無

見素集卷之二十六 文 七

疑也某自京師幸親光霽慨歲月之未違而悟言之不可復再今已矣墓草幾綠一觴未致托心語於便鴻寄世風於遠涕嗚呼哀哉浩浩南海截截厓山張陸儼在公神其間嗚呼哀哉尚饗

祭檢討子道族丈

嗚呼期耄何人台鼎何位公兩失之亦又何義予博觀於儒碩孰如公其獨歸鼓晉鄙於同風挽蘓湖而並轡顧好脩以殞靈噫斯文之誠墜當成化之甲辰子詔獄之肇寘辱發憤以如狂挺獨力於時忌迨蒙原於左官忍割貧而腆遺秘臨分於贈言泪盈盈而把臂比署復於留司歡騰

躍以忘寐，後節使於南征，勞尺書之，遙致既之。公以母憂
卧廬，予亦便道歸侍。孚夙抱於既知，托話言於一戲。篤久
要於忘年，領教墨於文字。悵予行之若迷，而公益醇以懿。
愍從吾以喪子，暨介庵之謝事。懷結骨以填膺，遂毒疽而
學幾三十年而生徒。迄無異議，風憲之秩預推。翰苑之負
外置，緬入覲於天顏。勞二詩之先詒，出細語於隱憂。
分半榻于旅寄，羗余解紱迴輶。公亦浩然歸志，勤遠緘以
告期。胡一疾而遽弗治，負宿諾於經丘。竟訣言於遺志，嗟
絕命於終天。恫淪精於下地，眇冊旌於陸離。幾失聲於哭
夫椒，楮與酒蔽嗚呼。哀哉尚饗。

祭黃未軒

嗚呼未軒胡不百年鍾發淑異，茲山茲川德宇春融。文局
爾雅懿躅，詞垣物厨器冶。悃誠中慣，有直如弦。買燈疏入
湘水南遷，既玦而環憲。廟仁聖復官留臺，徐引而近
平反績茂。右秩明揚，公病遂告振衣層岡。孝廟嗣服
起僉臬憲，風紀士範副聞。愜見脂韋叔尚，任獨無同。硿硿
斲裂樹高，多風公賦歸來。渚雲溪雨，猶勤述作。手筆燕許
邁邁時運，間身隱憂。少陵龍川公也。其傳白衣冠典刑。

諸老遊息縵斷烟休迹掃踈松短髮晤語無期俛仰疇昔
隕越斯悲嗚呼哀哉尚饗

祭鄭司徒東園

嗚呼維嶽孕靈終鮮斯具維才用世終鮮斯遇公邑專秀
在郡特隆如氣四備而日方中雲漢爲章月流星發疾儒
疾吏駿聲秩秩昔在 英宗又在 憲宗又在

孝宗奇收顯叙百十臣同職勞弗來立孤樹敵青蠅容點
吠聲以寂麟鳳維侶魚鳥移神連䟽十九以乞斯身

帝篤表著鏡誠命可晉秩昇傳優我元老 皇上嗣服

覃恩林樊麟衣玉帶海國僅觀膺膺廣原下有雲水樂胥

見素集卷之三

文

九

視後有踵芳羨不杖不藥重致我詩居然謂訣三復而疑
不遠登堂公步而出把臂入內引觀歛服踈燈細雨坐話
移時收屬元化曾是惜之氣完際盛福壽考終後先鄉哲
緊孰爲同俊黍新媿相知皓首隕獲斯文豆炙盃酒嗚呼
哀哉尚饗

祭廖約齋憲副

嗚呼惟公質木近道重厚少文山藏海納涇渭中分獨醒
皆醉孤妍群醜不相爲謀爲敵已久口吹面借有僞有真
謂必公異則知其人公握刑章中外二紀直方子良名無
虛士肅肅外臺上有殊階長空鳥倦公賦歸來踈菊長松

聞雲野水謂樂無憂乃甚在位典刑斯謝公不百年青峰
吊鶴古樹寒烟社不尋盟葬不視穴素車焚臨斯情隕越
嗚呼哀哉尚饗

祭蘓守林師召

嗚呼辛丑之歲識子釋褐問姓投水文木末子令吾甫
亟以憂去頌聲流聞家人婦女後二十載如參如商姑蘓
邂逅話短心長我厭奔驟泉石自老德音南來聽之愈好
我有愛弟教事治屬謬荷特推謂傳家學凡今市道紆玄
險艱奚敢獨信元季異觀子有素抱不亟不徐謂宜致遠
以疾其驅在辰歲厄庚子日斜期不予副欽恨長嗟才高
見素集卷之三六

文

十

謝晴

二氣良能幽明表裏休咎由人和薰爭致兵烈猶火陰慘
寔深神抱湮鬱雲淒雨露師老絕儲負茲快快豈曰一念
有應如響神寔念民恫瘝若身贊厥彌雍用宣聖仁祥風
發發秋日杲杲天宇開張翳迹如掃體薦壇下有報有祈
一晴之借寇盡爲期尚饗

祭楊月湖父

嗚呼洛陽紫陽識者皆推論其大中韋齋之世有吾月湖
其有所受也公置身繩柙能鉅而養充方殿大郡賢問秩

秩然以起即理柴桑公之迹固不在督郵而鎮雅訓恬身任焉老成持重典刑鄉國者幾三十年孝友肅睦伊誰之型範退讓恂恂伊誰之風致公之德福取左券不遺矣重我月湖潛默領悟上友千古固將演洛閩之傳所以立長世于公者又將不直身世耄期之壽而已也俊辱月湖道義友益嘒形逃而迹謝比公計而始知王事程期宵日斯征俚文叙哀有百斯情嗚呼哀哉尚饗

祭教授祖生祠

維正德庚午二月二十有二日戊申孝孫俊重過蘄陽謹具牲醴祭告于吾祖致仕教授敬齋先生之祠曰嗚呼祖

見素集卷之三六

文

十一

與孫固相屬也俗韻寡諧世關長謝甫去蘄三千有餘里一尊祠下徒有其夢亦何有以親致之今耶方青丘而縱浪忽黃紙以到門付孫以金革之事不敢不起也西川吾邵州祖抗劉闢之地今之事任又重不同者孫其敢不自盡耶分 上憂揚先烈載歸我林樊祖其相只謹告

爲官兵疫禱

正德五年歲在庚午越四月朔日行軍都察院右副都御史林 謹具牲酒致祭于撫內風雲雷雨山川社稷城隍之神曰賞罰大柄禍福大防幽明翊運綱紀一方潢池弄兵東川騷驛吏冒民痼繫神攸責旣憐而熾上廛 宸憂

陳師鞠旅誓殲乃讐如虎如貔我兵赳赳一鼓成擒摧枯
拉朽犬羊褫魄烽埃餘紅距躍戡亂式奏膚公戰血猶腥
重摧酷疫毒穢董蒸僵尸枕籍遊魂斷息哀此健兒秦越
繫戀寧神弗思我藥我厝我憂若禱惟神悔禍機幹元造
祥風先驅凍雨洒塵瘳蕪什起勃勃爲春薦芳陳詞于役
請命揚休宣靈神允時慶尚饗

祭病死征夫

行軍都御史林 遣因陽頭目李庠與病故從征土兵酒
肉告之曰藍賊搆難干紀亂常汝役征事我武用張方切
汝念乃疫而亡魄安淺土魂返故鄉有酒有俎亦有佳梁
嗚呼其來饗

見素集卷之三十六

文

十三五

巴縣祈雨

紅巾扇禍干紀亂常奉 命于征遠蒞茲土燎原之焰雖
稍戢於曩時而乞降依違掠食者雜出載議撫剿以仰副
明詔維時官兵四集營壘萬竈疫厲易作况雨澤告愷恐
有秋無望巴人喧騰謂麥盡于盜尚倚秋穫奚生弗辰于
旱斯酷夫盜與疫與旱皆病民者而神罔聞知無過耶先
王之典能禦災捍患有功德於民者祀祀祀民也今民病
於盜病於疫又病於旱是雖官吏貪殘俗薄惡刑政罔協
于中者之咎神無與有責耶神其庇國右民相厥戎事迄

元兇之鑿而禡其魄俾降者並生石則盡戮無噍類廓清
厲鬼俾我軍皆勿藥驅逐豐隆霑膏澤紆焦枯於數千百
里外俾困庾穰穰流離蘓復神之麻某亦分有餘責謹告

謝雨

俗落政龐神理弗右既盜既旱天速之咎流離窘迫民斯
爲極矣內罔定志而外罔定居非殍則盜不可以已矣待
罪西征技窮當局鞠躬秉虔祇告壇下越二日雨信宿又
兩苗復蘓兵亦尋有凱報慰望伊始畢功允期神之麻亦
予小子之祝其臨饗

祭吳僉事景

見素集卷之三六

文

十三 楊王

生死大分節義大閑孰是不朽天地之間稽血嚴頭張齒
顏舌日星亭亭于茲永烈陸馬蜀川盜誰禍始通巴尚關
江津猝起子抱竒氣雪恥除兇躍馬按劍萬夫之雄倒海
狂瀾一柱奚力卒潰城陷手刃三賊鉞鋒雨至以身代民
言訣老母黑風酸辛子孝且仁子忠甚武亡以求存掀揭
千古嗚呼哀哉尚饗

祭汪洋指揮陣亡

天降亂于三川東而北則藍東而南則又曹螳臂當轍魚
遊釜而假息固已寘肉于杌矣爾壯且武奮而從征嘗屢
殪賊酋搗巢穴以顯樹有勲績予時惟汝之竒汝亦副知

遇以仰答世恩矣江津馬鞍之戰辛未正月二日也執訊
獲醜破其營擒戮百九十有餘級亦良偉矣乘銳而深以
逢其伏而汝以戰死過進矣然視彼懦夫奉頭鼠竄生如
汝死耶嗚呼天厭亂宜有期生死大分抑斯汝武官之所
耶有餘榮矣殮汝棺汝謀汝葬之事而祭以文鑒之其來
饗

達縣謝雨

天厭禍兩川風雨時若而歲以稔告元凶悉擒亂用弭亦
幾于盡矣惟茲七月亢陽縱焰土毛如焚居室若甑熟征
戍暘以道死謹齋沐省循走過壇下是日申大雨酉雨亥

見素集卷之三十六

文

十四

楊十

又大雨至于明長風扇煩去潦流惡枯回而病起天宇
澄肅川嶽於是乎改觀矣某數小子敢貪天功神相天惠
民偶值之也薦馨選肥仰答神貺猶是殘醜猶漏天誅蠱
尾蝮牙上千宸慮神其懋揚英武盪殪妖類亟贊膚公閱
綏我元元某尚脩有報事尚饗

祭魏少司寇仲禮

昔在留臺三司並峙公重如山其門如水跡孤寡合君子
無朋 帝曰惟臣作朕股肱入少司寇實便騰翥有躋
若逢遽賦歸去連絡黨禍弗震弗驚人曰神蟠既哲且明
望八委運壽亦孔多落落故老傷如之何嗚呼哀哉尚饗

見素集卷之二十六

見素集卷之二十六

文

七五

見素集卷之二十七

後學黃佐校正

孫男及祖重梓

祭文

祭邵州

維正德八年歲在癸酉九月丙寅朔越十有七日壬午二十二世孫都察院右都御史俊承祖父先都御史宗先都御史朝之志構我始祖唐忠臣邵州刺史十九府君之祠中祀公配我始祖妣何氏祔以二評事六宣義十四奉議二十七評事四府君昭穆之位系我五六居士而下見素集卷之二十七

文

一郭仁

四房宗先官序名配以萃渙棲靈是日謹具牲帛酒饌奉安神主曰公起人文連莖破荒稜稜義聲運幹綱常群翳衆啾星鳳快覩世始君臣閩始鄒魯儒林事迹首錄特書鳳崗千仞生氣凜如讓舍軍庠祠亦並去墨食孔艱俎豆何處逝波歲月心久力難景光流射星斗夜寒奕奕新廟神用吉告應會舉曠畢情祖考新廟既落奉安公神式時瞻對于祀于裡既多受祉祇續維似維德維文維公孫子尚饗

遣祭從征指揮王英

落落難合孰晦而章之溷溷爲同孰怯而勇之野宿久次

孰神而歸之師捷身死孰速而奪之伏枕啓衾孰藥而殯之旅襯孤魂孰檄而返之生念汝勞死惠汝酒食汝受而歆之尚饗

祭始祖唐忠臣邵州刺史祝文

惟公文炳日星忠貫金石鄒魯東南開先求式祀有鄉賢傳有國史重此雲仍敢稽報事茲惟冬至謹以牲爵庶羞庸申祗薦以二評事六宣義十四奉議二十七評事暨林氏宗先耐食尚饗

祭豫齋中丞

粵在京師二黃三林兩姓兄弟五友一心公在班行儀觀

見素集卷之二十七

文

二七

都偉尺寸殿庭萬目駸駸秀朗清發玉色金聲溫恭慎密德宇天成虎口餘生魚頭舊直受知累朝進陟雄職三省經略胸中甲兵綏撫鎮定居然長城繩墨糾違賢聲革播方引入近而以病告悼念昔遊晨星落落猶陪杖屨風泉雲壑收靈川嶽人琴俱亡拊膺割裂世道伊傷公同邵州院衙並峙堅壯先淪朽裂何恃楚楚蘭玉先後嗣芳公世之短公澤之長紫峰練辰韞紉云發觴酒寫勤以告長訣嗚呼哀哉尚饗

祭儲殖庵少宰

嗚呼元醇應會竒碩命世譬之麟鳳有不一二嗟嗟殖庵

粹德完名述作備體斯文典刑公始自玉視我它山不泐
旬月駕不可攀葩藻天成一機萬有細入毫毛匠哲袖手
光怪騰發猶驚鬼神前驅韋柳賈馬後塵情話綢繆我心
我腹意往形忘不隔膺膜涼雨踈燈柳灣抵足言願孟韓
雲龍相逐嶽嶽士望爲瞻兩京由公屈伸人卜太平二十
七年中間一面別易會難光景流電日者橫禍士夫載罹
孰謂狡童吾汝亦知三尺神明人理可信公老充竒壁立
萬仞海隅天上言念衰殘風雨酸切廢寢輟餐小大俱年
物歸于盡木折山頽文昌夜隕南來凶問不有月日且哭
且疑謂虛謂實嗚呼殖庵其已矣夫一短兮萬長具完兮
何哉嗚呼哀哉尚饗

祭鄭元美郡丞

曰昔先公及公不鄙數世室比分投姻連友契讐經軌物
若有符違論難開解與道爲歸散帚千金楚和鉄選銳鈍
易酬我乃非據丞叅三郡有鴻厥聲孰宣其滯而沮其成
訪落起廢曰有後命出雲無心柴桑再請深山窮谷霞赤
兩班有要仙流烟水之間公病踰載不涉床褥危論豪談

抵掌頓足日者存問頗覺衰羸留情藥物以杖自隨天地
一寄生滅彈指物始必終彭喬何恃龜傳組襲有子有孫
斯懷未割脫垢離氛有訣斯文聲吞淚漬觴豆馨冽以飲
以食嗚呼哀哉尚饗

祭困庵

嗚呼困庵子之學可遠至才可大施而器可以顯受其皆
不然意者將優之以山水之福收桑榆而壽金石其又不
然吾不知其指也子一門父子兄弟伯姪駢首青緋中丞
大顯其後仍襲中外又顯地美者力分水支折多而流弗
盡駛物理人事意者其然歟予與子兄弟自同筆硯及今

見素集卷之三十一

文

四五

五十年道相師而意獨至中丞世早猶子足恃予簡出歲
不數東東必及子之門子來南亦復過我遴幽搜勝溯高
寒而臨遠碧非子不樂也雲庄寄傲子多以疾辭弗赴予
謂子自愛太殷然體果重行步果難年後予而先老予戲
曰子熟夫蓋箴之也嗚呼孰謂其止是耶子始病弗及知
有告者曰誠病誠病予亟視則証已亟又視又亟至竟弗
治嗚呼子嫁娶俱畢孫亦長子無欠事予懸寄兩幼子猶
未抱孫予之所短子之所長子目可以瞋可以無悲夫爲
子之故廢寢輟餐泪油油落枕上子兄弟俱去予其益孤
矣竟之何哉一樽子別飲不飲未可知而臂不可把言笑

不可聞所見者僅昏上之容兒孫之踊之哭之哀而已嗚呼痛矣尚饗

祭抱獨郭先生

嗚呼渾朴旣散佻巧奚觀吁嗟先生削僞反利文成在中
玄璧紫貝獨月晴峰蕭散物外知白守黑近不偏同舞雩
觴詠有點之風詞譜藝林微言雅調意觸神迎會玄領要
散殊有象肢臂猶身百蚕一葉官久而貧棲鳥舊林瘦竒
選勝星霜十移一疾以盡亭育禪代委心奚疑老成之逝
世道之悲吁嗟先生鄉國輕重白日晝冥鬼驕狐縱某賤
兄弟少及師門以督以教開蒙指昏浮窳翔酬不龜澣統
見素集卷之三十一
文
五
五

祭黃大叅伯望

嗚呼士貴乎直學貴識臨事貴斷才貴實用而操之有常
世道胥賴焉子重厚少文沉永內定脂詞蠟貌無有也精
警識治絕浮瑣論難徐折一言肯綮開脫臨人出政守軌
則以終身如善藥然利去病堅木優於任載自計曹及守
及叅大政華問播流肇盜區也至則歛戢承其後無及焉
武昌數月茂著廉平所見無及焉廣藩風宣惠溢所聞又

無及焉右轄累推固將有大受僅以往者之形吠猶騰厥
聲白日青天其誰則信之而決策東邁以從我雲庄子之
道則然也孰謂抵潮而病以卒耶嗚呼子之力可當大事
可一面可許友以死鄉國子畏三數人間耳其竟是耶薄
田僅足口食老屋低短風雨未足庇吾流物品容蓋棺定
耶嗚嗚猶童翁翁猶賤子自有至者亦奚賴彼哉嗚呼易
庵予無復子一臂矣孰重予之哀之甚也世道慟而已矣
白日兮晝沉仰天兮失聲靈風先驅兮凍雨灑塵魂來兮
母驚對兩孤兮餘情嗚呼哀哉尚饗

祭楊石齋乃尊

見素集卷之三十一

文

六

嗚呼川嶽完醇有厚有清有與其一亦足自名如閬四陳
如井四李如眉三蘓鄉國並峙文聲道望曠視無前公舉
赤幟凝然中堅公起甲科子已先第狀首解魁嗣無虛歲
伯氏元弼仲氏上卿謝蘭實桂階祀前盈少師太師麟袍
玉帶錦水榆鄉陶然物外顯允石齋作時阿衡運猶開德
佐理太平 帝念師臣是父是子內法大官几杖之賜
自公之疾䟽輒論思 帝曰第行朕以醫隨自公計聞

當宁悼惜曰惟舊學朕不汝釋血誠披握竟動 宸衷

弼亮孝理而以奔從卿護其行 朝速其計存沒有耀殊

恩異數關西載德有業有年以植以漑蔚焉叅天嗚呼公

之責償造物其厚其清其固如是哉某辱橋梓連寀並登
通家情義豈曰友朋于役西川言念傾寫臂未及交酬我
青野會合斯難萍水餘臆設位緘詞斯夕何夕嗚呼哀哉
尚饗

祭東所

嗚呼東所命也夫孰安其處孰異其行胡赴胡謝以止以
鳴咎搜尤於殊遇副遂初之素盟還菊松於陶徑曾染指
於鄭羨兩楹之夢竟訣斯生嗚呼公壯而武公亮而清學
惟自得性乃天成稜稜直氣炯炯元精寧遠區而窘步甘
丘壑以陶情嗣音一老樹幟群英方將侶鷺湖而訪嶽麓

見素集卷之二十七

文

七

招栗里而吊屈平分嚴陵之席而抗堯夫之衡彼鷗翼螳
臂蜚聲蜚燭曷足繫其重輕而死生之際乃若宿計而預
營名無虛士信矣夫俊華及公未交一臂感一氣之相投
辱尺書於數致詩篇和荅千里郵置不腆之文又辱公序
假歲月於星纏合參辰於一翼嗚呼伐木絕響白頭如新
孤懷遠韻乃復吾珍忽來凶問月久乃真山頽木折物脆
人陳嘅屋梁於落月寄一想於丰神窮天之翰截海之麟
附文一奠有涕盈巾嗚呼東所竟不及見矣其何情嗚呼
哀哉尚饗

正德丙子冬之月吾 師涯翁文正公李先師計至俊爲
位雲庄以哭計再至又連哭附小奠我師先生之靈曰嗚
呼我國家河洛効靈人文啓 聖鉅儒宿學高詞大策

步典墳而追風雅固已岡連峰出矣巍然而特起者洪武
時則潛溪翁未樂而後則楊文貞公成化及今文之盛又
極矣吾 師文正公又特起其時渾厚紆徐無刻深峭絕
之態而油然其光蒼然其色抑揚正變如迴風立海倏焉
砥平良將勅敵優游而暇豫又如長江大河濤之不盈支
之千百派無見其縮先生於文蓋深矣書兼六體真行草
篆點畫韻致宗秦晉而參以獨得之妙先生之於藝亦精

見素集卷之二十七

文

八

以習矣粹衷完質離垢而絕瑕合洪邃求居以益晦歛焉
其若無先生於道德蓋亦純以備夫少以神童宣入宮荷
有殊錫弱冠第甲科不出館職者五十年在宥密者二十
餘年陟元樞預顧命既致其政猶給祿終其身歲時勞問
計上輟 視朝卹恩加于數等先生之遇竒且極哀榮且
至矣仁焉春義焉秋生生落落而莫知誰之爲經猷注措
顏之所謂大勇者也俊承誤收迹䟽心往僮侍先生者數
四丙辰入覲先生曰見素太迂吾師生何嫌脩一刺門下
以去先生時遺俊書無敢荅解元柄詩來我雲庄謹和付
達子來上先生語哽揮泪者一再始及成禮嗣是和篇往

達還先生出詩三十首命和上先生病且甚猶命扶強讀泪油油曰平生見素知己詩其永訣矣嗚呼謂俊之倨簡荷先生知愛之深如是耶其忍聞其忍言一尊附奠涕與神來心長語塞其惡足寄耶嗚呼其已矣尚饗

祭大司馬劉東山

曰聖作物覩雲風景從
憲廟出震我公是逢首讀中
秘載署司馬物品一時有風斯下同升意屬懇以驟辭出
叅大政乃正藩司懿懿中丞經紀河決奔流爲馴宣防爽
烈司徒陟佐引疾祈哀
孝廟遂公箕穎初懷鷗石猶
涼薦書聯絡
帝曰汝行殿我南服三邊震蕩特付本

見素集卷之三

文

九千

兵溫國入內人卜泰平

孝廟勵精圖惟化理寄任老

成朝多君子魚水之會一日三宣股肱心腹禮絕隨肩

孝廟升遐公慟幾殞力乞遺骸東山待盡虫妖鬼燐水鯁

岡燔烟燄漲黑白晝爲昏坎止流行徐值其定翳收日明

天子仁聖公旣西下我亦東還過從一宿別泪斑斑青野

回翔交情滿昏床褥何時竟乃罷市繁人無祿喪我宗臣

謂誠可贖言百其身一日公存一日元氣木折山頽世風

委地嗚呼木落兮山秋悵跡孤兮誰留蛇蟠兮鳥叫下夕

陽兮江悠悠嗚呼哀哉尚饗

祭陳如賓孝廉

正德丙子臘月之望之既見素子林俊之友陳孝蕪如賓
卒哭之哀而過焉積五日始煢成文具酒饌率弟姪若子
哭而奠之曰嗚呼昔賢命世未嘗不推之於天吾於如賓
即未謂河嶽完靈要亦東南元氣至清之會矣造養深純
持行嚴苦斗室危坐以靜見天地之心古聖賢之氣象而
澄若止水重若喬嶽益若春陽若冰雪之芳潔孤風遠操
爲世道甚賴昔伊川門人竟無能傳其學子遊白沙旬日
爾爾矣而誥信不移其敏若不逮其堅苦又殆若過之不
規規文字述作以濫附四儒之傳然使生夫子時得夫子
爲之依歸當列冉閔之次其尊德性其子靜下耶葉官爲

見素集卷之二十七

文

十

養一十有三年母疾亦疾逝而亦竟以逝其純孝矣夫無
他兄弟一弱息不假五十八竟終斯子之至完獨欠至厚
而亦以薄斯天也易簣無一新衣官爲具棺予爲之具殮
疏戚賤良遠邇下及穉弱與其女婦識不識無不爲之酸
痛天日爲慘黑子之道足信矣子謬兄事我每過我群疑
開解宿疾頓脫以去子其我著蔡我藥石矣餘日末路由
今其復有子耶叔風盡滴猶幸子立赤幟指揮群迷抗頽
流之一柱由今其不復可支矣嗚呼吾世道慟也哭吾私
而已哉尚饗

嗚呼先生方格邃猶峻聲鏗韻上風長征九宇一暖決起
楊翅竟落誰收雲居水眠天脫籠囚開福伊穰脩景奄促
賚是長餘優其後贖輜車晨啓並玉香山玄堂漫漫大化
公還嗚呼哀哉尚饗

祭楊志仁少司寇

惟公儲祥越水載德關西三書並起二使與齊掀揭高竒
早收遇晚言階落郡一斥誰挽拔尤宣滯連亞上卿基有
後命乃虧其成昔在同官吾汝方格其間猷爲不爽一墨
嗚呼公已矣美文懿在天公侍而遊下土茫茫木斷山秋
嗚呼哀哉尚饗

見素集卷之二十七

文

士

祭周翠渠

維公卓識偉才人豪天挺孰取記聞曰有要領資深輔博
靈簡陳編靜思暝索以日以年畜久而泓出有餘用海立
星回文得機綜着昔則聞艾軒後村超契終詣有本有文
兩翁桓桓勇絕誰繼公鼓而前振汎揚厲支詞詭說由意
折衷竒正互出壯夫之雄烏倦雲還脫筴一面猶取校讐
皓首筆硯白雲誰和誤引同聲相逐雲龍四方以征昨歲
之夕歸休有夢豈曰其然斯文之痛茲夏之孟壺山其頽
鄉國共疑繫公其歸嗚呼公可謂全矣謂命維八謂壽維

九謂學有後承委盡胡有嗚呼哀哉尚饗

祭澹軒弟

正德戊寅八月十九吾弟澹軒待學既晚食頃而卒中證甚奇及亥氣絕嗚呼痛裂矣前一日約汝雲庄自隨辭夜四鼓報至亟回比中道得訃嗚呼痛裂矣六十年兄弟幽明俄頃入門浴櫛易衣矣嗚呼痛裂矣前六月待受死今汝又死二兄一弟能久存耶嗚呼痛裂矣汝未有子猶幸有遺腹意天之意也予立邁爲汝後以主汝喪汝子生與邁兄弟相依以立忍淚爲文與三兄五弟諸姪設奠與汝長別嗚呼已矣矣痛裂矣汝有至性順事吾父兄家之蠱皆汝獨任義之舉皆汝相成焉出入深林長谷觸突猛噬無苦也渾末鄭定遇事若宿搆徐出一言而決斷不失和處踈戚賤良有恩意樸約寡與成有家公府無汝之面人不知吾弟也要門子姓無復賢汝者惟嗣事循襲未即如教有此倉卒然汝兄在可瞑目矣嗚呼痛裂矣我望汝送我顧送汝耶意長言短心腸如割不可以書矣嗚呼是訣矣痛裂矣饗之哉

祭山齋母林太安人

維靈柔嘉維則幾穎内含言歸蒲坂于水之南儷德食貧城是三徙力不遺餘健夫是似二雛孕淑叔也麟皇門戶有赫不顯其光郎街使秩封章 詔命望九真還目酬

心應某忝令子徐郭心期生芻一奠黑風辛悲嗚呼哀哉
尚饗

祭張羅峰都憲

惟公渾完內植晶彩外彰蚤收甲第遂試星郎隱發機投
事若宿構崇城言言邑險誰右豸衣象簡攬轡澄清提封
千里于我溫陵尹寺移權解綬東去木高風搖既乃終遇
明州載守聲烈無前大叅斯擢中丞繼遷南征壯猷召虎
是似奏膚三錫 天子之賜東南財賦經度自公利孔
搜剔乃陳乃紅 帝曰勞臣若金汝礪宸注垂勤一疾
短世交遊氣義千里如期設位緘辭倍昔以悲嗚呼哀哉

見素集卷之二十七

文

十三五

尚饗

祭方與義

老友見素林 謹因族子有祿郡丞之便附祭于故友瓊
郡郡伯桐城方公之靈曰嗚呼維公神清鬯朗穎厚所鍾
柔彼金石角其蛟龍覺起言階黨人斯籍帝諒貞臣竟薄
其責尋尹劇邑載刺大州聲先實副風宣惠流帝曰珠崖
汝其子守小決大聞無取牽捺水寒玉潔晨夜在公擾馴
訓敕仁及兒童乃服誰舍乃春斯輟陸絕水斷斯月何月
素車繫戀言赴無期一尊既奠老泪交頤嗚呼哀哉尚饗

祭泉山翁

惟公道槩裕稷機神淵穎一落其芒不有畦畛詞林養望粹質完聲青宮柄受司成二卿乃長銓衡乃司留鑰豈曰北門自陝之托四星踰次貝錦聿興于樊于榛于彼青蠅天開日明言諒忠愍峻秩其還冥飛奚慕瀛濱風月杜曲桑麻皓首述作其書滿家筍出蘭立甲科四世青緋繞環膝無餘地貞松古栢秋水精神考德問政晝乏停賓複席繼燭言歌擊缶聯絡緘題猶筆無苟川岳淑厚繫公其專穹階上壽福極無前山立依然斗瞻非故惻雨鬱雲素車往路臨文飲泣迸涕交頤夷清惠和世風則醜嗚呼哀哉尚饗

見素集卷之三十一

文

十四五

祭楊都憲母

惟靈玉雪其質金石之精柔儀正色體素含貞梅實未仁鸞影孤照遺娠茫茫形影相吊凱風寒泉有美共姜于彼柏舟于建之陽惟時艱貞神理所右任咸之妻永叔之母天壽竒節篤生大夫纘戎元弼嶽降之符晉國出總贛君徵入母殯在堂斯夕何夕曰有命典曰有卹章兩壁斯合玄扃世長子烏啞啞寒猿幽咽青霜長松千古斯烈嗚呼哀哉尚饗

祭鄭直甫

正德庚辰四月乙丑歸司徒主敬姻友鄭君方湖之襯子

定吊已遡游仙溪矣不及撫棺以哭憐視其未晬幼孤悵
然自失亦悲以疾矣八日癸酉乃強成文遣子適詣几筵
職其莫事告之曰嗚呼屏山在仙寔惟崑崙乘時應會乃
生東園維岳其神維帝其祉爲漢上卿爲周內史隆遇躋
極方湖載光是父是子于興破荒亮賢閨性霽儀豁度臍
鶉風塵驛驪道路材高晚售首白猶郎盤錯開鮮發硤干
將物化循環完福斯忌田荆一萎競爽二惠介也又弱慘
慄奚堪日斜鵬舍輻車載南山有遺鍾善有遺積後之歲
年梧竹森立走吊相失老泪如傾一尊遣奠特百常情嗚
呼哀哉尚饗

見素集卷之二十七

文

五

祭章楓山

嘉靖紀年二月又十日丁酉見素子 過我老友楓山翁
先生之門哭而告曰嗚呼道有界畛時有機綜鳳衰麟踣
飛走吟弄居醇守樸吾道不孤柴桑亡格易洞門徒一代
完人兩間正氣立懦廉頑大雅風味白首時化彷徨艱貞
言屬世責當奸人構亂公對人
誤許某可時寄聲焉幸遇 聖明存問疊稠
斯生斯日旣老旣病收焉以寂歲陰殘燭弱子拜前寒落
可念悠悠蒼天昔也何來今也如夢一老不憖遺典刑之

勸

祭孫德成宗伯

正德己卯六月寧族人叛江西都御史孫公一川死之七月寧擒又明年 新天子嘉靖更元贈資德大夫正治上卿禮部尚書賜葬祭錄其二子祀之洪城友人見素子林俊道杭具香帛酒饌遙祭焉嗚呼自古亂賊之雄盜竊神器必陰嫉所不可制之人故始爲緩謀中爲種禍而終則甘心焉意恃此以風驅雷迅鼓之而無前曾不知鬼禍其盈天助者順徒足激忠憤壯剛志使我衆如虎彼賊如鼠喪首斂氣滅其無日矣賊旣賊公容知擒賊以償公者固公鄉人耶斯天意也公神不死萬古一公而賊灰逗揚使販兒弱子嚼轡車而甘賊肉者所至如市一再歲正典

見素集卷之二十七

文

十六

刑焉死顧公榮敗亦無賊之辱矣方是時旣賊之餌右賊以遏公奏緩賊之討以貿易神器者生如公死耶 聖人出世公烈益彰所以贈公葬公祭公祀公而錄公之後者存及嗣至謚亦尋舉焉俊氣義公同首觸賊怒天幸卒不死而公死焉斯所以義公慟公言切意詳歲月遷改于斯斯莫其有待矣嗚呼哀矣哉尚饗

見素集卷之二十八

後學黃佐校正

孫男及祖重梓

題跋 雜著

跋存齋稿後

予嘗恠賈生王通李觀諸賢不及見其至有私恨焉天地間不賢者何限賢者顧天以死謂天誠無意是人其未可知也今觀進士王公彥恭有感矣公在諸生以氣節勲業自効詩古文駸駸出聲震業光名流推讓假之壽其轟烈俊偉與世相無窮無疑也而僅與顏齊壽幾于郊之窮見素集卷之二十八

跋

一 郭文

得一第而不沾一命又弗逮乎詹以死然其道已信于友售于時其遺稿已克傳于家其孫啓已世先業有古行爲名御史嗚呼古今人壽者何限荒榛斷莽漸盡而無余者亦多矣其諸爲壽不在天不天也

題五賢遺像

予從二泉邵先生始得拜觀諸葛武侯陸忠宣司馬文正范文正韓忠憲公像畫史杜瑾所圖也五賢傳志詳焉李閣老西涯翁摘其要分錄于左揔跋之盡矣予獨慨賢才之遇之難也奉天蒙難聽贊旣追仇畫言逐如棄梗德宗時也韓范同時柄用中外歧想其勲烈而群小不悅毀言

日聞竟罷竟請外司馬爲相已病天下共惜之予謂司馬不死相亦不終熙豐諸人固在也武侯三顧而起佐帝曹圖恢復專不失禮行君事而國人不疑炎祚幾熱而將星隕非天歟二泉托志忠雅識邃而養允天惟純佑 聖天子興理唐虞之時終其遇而不患不盡其用其在茲歟

恩命錄後志

上世有門蔭例明堂郊祀等恩有冊授制授勅授贈封之典故甲族顯融無間論書王語複疊而駢蕃 國朝大臣三品而上錄子官 旨授在內三年成績得封五品而

上與誥下與勅一品三代二品三品二代四品而下一代

見素集卷之六

跋

二

文

八品九品本身進之路狹故並美少錫之難故寶藏爲特重上宰泉山先生今錄俊得拜觀焉先生尊府撫州贈上宰公而下祖孫父子三世第進士前後荷褒寵 誥十

七道

勅八道祖若妣六道父若妣八道先生若配九

道子主事君庭榻若配二道林世稱德門毓和凝祉至先生尤盛問學淵委識邃而養克休休焉至方若圓至勇若怯温煥若可親而居中栗不可柔知先生者容亦淺之知先生也廣平介而狹萊公大而疏先生兼其美而會其迹泯然者也先生在司成久上念之一歲三轉官識者猶以爲當朝夕贊 天子紆廟謨張主國是留都位置非官

宜夫人論至公也抑德必世世盛恒理耳安世之賢人莫
竟其說仁桀再世有莫知天道之所以然先生作述無愧
焉 恩命稠疊非倖致而然錄之昭 上貺也揚世
美也迓續來休有隱望焉

題陳一夔太守像贊後

右大司寇盱江何公所作陳高州西潭像贊西潭粹雅精
博頽然一儒者平生制作尤盛於詩可傳示後世無疑者
盱江贊不及蓋舉其重言耳盱江與吾鄉從吾彭公並擅
時名而量稍異從吾博大盱江方整不當其意不少假顏
色蒞屬尤嚴獨於西潭體貌若此視其贊可以知西潭矣

見素集卷之三十八

三十一

三復起敬謹識其後歸之

題朱二守送行卷後

莆郡稱文獻蒞郡宿多鉅公近時尤楚楚可尚或曰守南
郭王公賢也故寅貳皆賢子曰固也朱君士容先南郭郡
丞者踰年有孝子劉閔者君首詣之延教社子弟分月餼
以給其母有巨盜江者任俠樹黨殆不可圖君擒殪之植
良艾奸政之大無踰此君蓋自得之南郭慎許可序文獨
致重公其亦有所試矣

跋張東海小草千文

成化間張汝弼東海邵文敬半江蕭文明海鈞皆以草書

名半江海釣皆自謂當北面東海一時學書群宗焉東海
天趣逸發筆力豪宕其大幅尤佳小書未盡其妙也詩信
筆可傳播偉然一代人豪爲時宰所忌僅知南安吳僉憲
出示此卷展玩之餘謹附于左

跋夏太守育才家譜後

遷史記大夫世家譜之作昉此宋歐蘓譜率爲士夫所宗
吉之隴州夏氏譜又叅互而廣加詳焉斷自虢州爲世缺
所不可知蓋不可妄附以失本實此公敬甫諸君子脩譜
之意今延平郡伯育才公訂成者也譜傳所載文莊公而
下凡如干人圖系無聞者亦間有焉嗚呼崇禎拜令公之
墓識者譏之蔡京之裔不敢目其祖直附忠惠譜雖系世
次子孫亦可感而興焉郡伯公廉實忠恕有時譽令公忠
惠夙有志者俟其成續焉

菊跋

菊之華五色獨以黃稱韓魏公謂黃華晚節意凡菊皆然
非獨黃也公本月令者也秋之季月菊有黃華菊黃爲多
從多而論抑秋金也金之品黃爲上季月土也土正色爲
黃菊木屬而具是二行從其上從其正以黃稱歟未可臆
爲之說是賦一素一冊又莫知其指豈以寄耶素其質而
冊其中耶抑適情立象因而賦之不可知不可知然竊慨

焉霜風搖落是菊以孱然數尺之幹與剛貞之梅後先以承晚匱亦難矣

跋李西涯墨蹟

成化間李西涯以文翰擅聲翰林吳匏翁稍後出與並蘓長公稱書象人形歐陽率更貌寒書徑刻正如其貌予謂文亦然涯翁澄澗故文極清永書晉法也匏翁雅醇故文極渾重書蘓體也皆逼直者評者謂逸少東坡書皆晚年後工二翁弘治間書精爽尤不可及涯翁是書其龍駒鳳雛初年時也已自如此門下士林俊謹題

題淳熙贈黃知稼告身

見素集卷之二十八

跋

五

可

右宋

孝廟郊祀恩贈通直郎黃沃故父尚書考功員

外郎致仕公度爲朝奉大夫者也先是左丞相虞允文罷鎮蜀死右丞相梁克家曾懷葉衡相繼罷故闕龔茂良淳

熙元年十一月李彥穎二年閏月俱叅知政事三年十一

月

赦恩四年四月告下故具名六月龔爲曾覲黨謝

廓然所劾責放英州矣朝奉公號知稼黃旗樹屋應夢而生譙樓紫氣公遂大魁天下陳正獻公魁亞龔年十四在

榜中紹興戊午也公獨位不過郎前在宋五狀頭徐官至

尚書陳鄭登二府吳大理少卿亦惟公位獨下然不濡跡

姦檜完名純節正獻公相頡頏諸公間有慚色士之顯貴

時而名後世其果區區爵位之赫然者哉公裔孫廷宣鮮
元世護舊物襲新綺而加池潢之捧以詣其舅氏俊公裔
孫甥也盥手披閱志于左方

李長者誥勅跋

李長者宏封侯賜額 誥勅理宗景定所予似道首相
銜名在焉按秦壤溝洫而水利興然皆有司之事熙寧初
安石導神宗興利始詔諸路勸誘脩陂塘圩隄議功旌寵
長者起民間有事木蘭是詔也當時蘓軾所論劉摯等所
疏程昉等之淤田利殆不勝其害獨長者陸海百里與離
堆鉗盧相無窮故樂道之因附安石高竒起事爲宋擾之
見素集卷之二十六 跋 六可

始又惡夫似道之相宋無日矣

雜著

鸚鵡翡翠解

滇之西多鸚鵡群千百以飛啄松子林頃之且盡土之夷
腊之執彈而臨之應弦下以死其一嘴爪如丹毛五采錦
以絢夷求生致之羅四面數日乃得得則架而懸之飼以
穀若黍而通之語言以購重直即翡翠者陷以機矰繳中
則利其羽而肉棄之因感莊生鳴鴈韓子二鳥之篇而重
太息焉彼均羽毛之異而壽夭殊者其用異也易之則亦
云爾宰物者之爲翠累亦誠悲歟抑固材而死也鸚鵡胡爲

耶食人食言人言以藹誤人事生亦良贅矣

舟神紀

蕭晏公者名善水江之舟多祀焉斯夕撞鼓磬爲樂發必告止必報牙日必祭風雨盜竊現恠物必禱焉舟人窮寧死不復神恡一進止失據市酒實甌肉實盆拳跽蒲伏道罪過縷縷以紆神怒成化甲辰予謫姚州倅附客舟泝洞庭目感且褻心厭之一日颿遇風疾駛柁師弛柁職罔共舟觸灘狝突撼頓益膠弗可解棹數艦俱絕予謂登若貨器勢易與弗能從也夜虞盜寘道里費神間逆盜懼弗檢也再信衆如予言果脫走謝神予適往收費衆誤爲禱也

見素集卷之二十八

著

七

曰公舉辦香如響因以謝予予不顯爲辨嗚呼惰而膠輕而解人則云然神奚怒奚功也亦豈辦香能喜况未必然耶有大于是者得予言而從之庶幾乎其無惑以理矣

鼠雀對

有高其倉而儲者群鼠下食之不得上飽以暍死其一困猶生守倉奴得之四足而釘之扒細荆而詰之鼠瞋目短氣死復蘓首若自服口唧唧若伸辯狀鄰叟善滑稽詒奴曰吾能通禽獸言鼠有所訴奴曰何訴曰鼠亦毛而族耳馬牛犬豕以其用也食主人之食鼠賤生無所用亦天地間具物耳耳目口鼻何異馬牛犬豕饑食渴飲爲欲同情

也主人不憐而與食盜而食爲辱亦甚矣以微命博一飽
啜死肩並主人不相憫而相罪多見其忍也夫雀翼而飛
百什而群鬼入而神出耗主人之食亦衆矣又惡得而詰
之奴停鼠羅雀扒如鼠而毒焉雀陽死鳴悲叟曰亦有所
訴曰雀鷺鴈而族耳肉不登俎豆其無用同其具物天地
又同饑食而渴飲有間哉鼠奚知鼠而不知雀也雀可死
鼠亦可死獨雀死乎哉鼠曰吾之群無汝之多疾飛遠逃
無汝之便雀曰吾棘棲而野食不得已而食主人之食入
其羅主人之子籠閣粒飼撫而愛之有愛汝者乎冗墉穿
牖破衾敝帷喫紙澆書翻盆倒盎使主人食常廢匙卧不

見素集卷之三

著

八

貼床席吾盜雖多其取厭顧出汝之下鼠奚雀之連鼠則
語塞雀曰無憂吾汝之腸費亦良尠矣奴亦以用而食主
人之食飲口撐腸刺齒捧腹携挈群侶倒卧林樾而屋頽
弗支垣敗罔餘畦蔬屢禾荒死枕籍然猶異巢先嘗嫩雛
潛炙削分隱錢匿文謾石以私其身圖而肥厚其妻子耗
主人無鼠雀倍耶奴嚼齒髮指臨之甚威既而思曰吾過
矣遂釋雀與鼠澡身浴德窮智役力先主人憂而忘其妻
子之急寒不知衣飢不知食出入戴星風雨不得息不再
歲屋堊如新垣補就密桑梓屯雲稷稼蔽日菜闕庾陳主
慰家實專倚隆毗群奴莫加焉方悔雀言之晚揖隣叟而

謝之叟曰是詒也吾借以風耳夫吏于公者皆奴也胥史
廝役皆雀也盜鼠也盜之害下於胥史廝役而取厭于吏
盜尤甚治盜而不先胥史廝役蔽也不自治其身又何治
於胥史廝役哉奴曰甚善書以爲吏告

馴虎解

廬墓孝子之自致非常也售僞者往往舉馴虎與白鳥甘
露爲例以爲孝徵夫昭昭人耳目事猶假自文如近世元
臣白鳩白鴈舉朝有詩可盡信乎抑爲誣猶近也虎遶屋
越垣卧廬側容有之容知其馴耶手而撫之搖尾帖耳如
犬之服習投之食張口而授耶制虎警虎虎服罪志惟者
見素集卷之二十六

著

九文

也渡河之對抑誠偶然者周公聖人也驅虎豹而遠之何
彼勞而此之逸也近虎爲藹患一捕獲之二虎又爲患又
連捕獲之朝令而夕竒應何神也記成化時虎亦爲患懸
重賞致之連獲三十虎噬者不獲二年乃獲又何其滯也
所謂偶然者無信耶噫斯生人之幸不幸也曰然則紀之
者誠神其誣耶曰信及豚魚是類也以立教也不紀無以
勸化不紀無以勸孝君子寧受人之誣而不忍絕人子自
致其親之善

郭巨辯

巨埋兒有諸曰慈孝一道也世無虧慈而能孝者參養哲

每食必問所與與孫尤人情母愛之矣弗所愛非順也况
忍之遠之已過矣况埋之耶母繼有孫之間欺可乎告之
可乎難爲巨之詞矣使母痛其孫以吾故恨死悲巨貧不
食死難爲巨之書矣春秋以趙盾正卿不討賊書弑巨弑
母矣母固無恙巨不得厚孝以絕父子之倫矧無後亦禮
所謂不孝胥失之矣殺子事君殺子事母歸一也巨與鄧
攸事頗類議者不以右攸則不得右巨矣曰然則何以紀
曰巨孝有之得金容亦有之掘地非埋兒也曰然則冊書
足信乎曰尤無謂好事者將神巨於孝不知說之邪陷巨
於惡教天下蔑倫巨始也作郭巨辯

見素集卷之二十八

十卷

毒虎解

游洋縣萬山中竟以虎廢食土之毛者利之猶時阨于虎
若水之蛇然無能易者也正德戊寅虎乳二子益酷閃形
貿跡風至而鬼藏率徙踰一舍獵師至無所覓山落嗣以
虎告獵師至復無所覓居人患之約蓄信毒虎虎一日噬
蔡氏僕主率鄉之人逐之虎釋僕去已數肉虎口矣以爲
廢物遂議啖虎以特脫鄉禍剖其肉實信寘釋所虎食之
盡果死或言二子亦死意未然也後數月無虎患人功蔡
氏子曰虎之毒善矣非處僕也僕固賤人耳非牛羊豕例
也人不幸食於虎瘞其餘猶足一慰奚至割肉而盡委之

虎耶嗚呼何斯人之重不幸耶曰然則毒虎非歟曰牛羊豕則是人則非虎之死有自忍亦有屬矣作毒虎解

侯軒解

侯侯之也易履之九二曰履道坦坦幽人貞吉上九曰視履考祥其旋元吉皆泰之地故繼之以泰君子行法居易以俟天也德成君用之學至君求之我無預也而命之天者自至有侯之象焉故曰侯聖賢立言垂範以善導民而不欲利誘之斯意也其不然固有侯而得而不得亦恒多矣藝侯穫而食也而未必得食侯蚕而衣而未必得衣侯之身有終於不遇侯之子孫有終於索然而不自振命有定有不定也有定而無不定其在我歟故曰學者爲己侔利計功淺乎其尚也夫德侯其日新學焉侯其日益以造高明正大之域得則喜不得則惕惕然以悲懼來者之無多而光陰過鳥之不足恃侯之至也姻友陳君玉光先侍御居易公佳子居易公侯之身不獲矣侯之後之人叔氏郡伯石峰君副之矣君又副之說者擬之二方夫得之在我而又得之在天得所侯者作侯軒解

泣麟解

馬圖龜書文明之符也夫靈氣之鍾人與物共之伏犧神禹執其機馬龜宜其應感聖人之時爲聖人出也周之時

鳳鳴岐山矣而文王繫卦周公繫爻辭河圖大昌武王訪道得洪範而洛書載顯吾夫子何時也姬德衰賢聖之君不復作世網人紀蕩蝕無餘在圖爲否爲剝書咎徵六極時也夫子猶有望夫行之端鳳至圖出深有異而不符周公之夢遂絕矣由是假行事於魯史以脩春秋以言誅亂賊而正王法授爲邦之意於顏子重其寄於淵也而擎天未力一臂先失淵蚤死人之麟先踣矣麟胡爲乎來哉胡爲而不踣以斃于鉏商之手哉人靈於物聖人靈於麟夫子畏於匡伐木削迹於宋於衛厄於陳蔡盜蹠幾不脫虎口者屢矣麟胡爲而不殆楚狂知鳳之衰夫子必知麟之非其時及禍哭麟哭回也傷道以自傷也始感麟而生終感麟之斃以絕均不遇也抑夫子素王也麟感素王之時爲素王出而文成方至與韶成致鳳無異夫子賢於堯舜麟何亞於龍馬神龜五時之祀出而改元麟雖遇何指哉

木蘭閒劇

木蘭病夫今之恠民也畫史鄭玉灑圖其像陳黃門方壺樹石之人與境備矣見素子素知之素忘之也詰而語之病夫何泮渙爾濩落竒崛如是邪儲汝精範汝形館汝過客溷一駿於深售與二鳥之光榮籠囚羅致弗樂也白駒皎皎孤鴻冥冥而任而真素鷗野鶴海上之風雲繡峪蒼

崖山間之月日挂索抱甕葦衣木食局下氣高心長步窄
孤請劔於百懷與舉楹之一力填海冥情集木若失在當
時表著敢歷一堦若叙述數君子又悲夫無徑之可入繆
嘗學埋輪做運甓憂係希文病竊君實可望焉不可至也
雪壑徃夢烟丘疇疾陰風晝寒使我心惻慨吳萼以孤徃
撫陶松而自適何望乎潁水箇瓢東山兩屐已矣乎疇未
朝菌露槿是人也月榻雲龕卧隱少室神遊東所意徃方
石奉時化以周旋與身命而俱畢病夫曰是何有于是吾
忘我矣

題以吉卷

見素集卷之二十八

著

三

吾家御史中丞兄季子以吉御史學古道陽明子旣告之
矣因屬就正於予予耄懶茫乎無得也然樂善予性也况
鄉耶况同林氏耶况中丞子道義友莫逆無異兄弟固子
視而愛之學古道固幸而輔掖之矣夫古故也已然之迹
也善學者必按譜屈伸俯仰綴兆舒疾惟所用之善鑿者
必按方表裏虛實升降補瀉惟所用之故樂節而藥用神
師曠秦緩其無能易也夫聖者視天爲至也故曰聖同天
賢者視聖人爲至也故曰乃所願則學孔子未至於賢又
以賢爲至也故曰學顏子之所學躡而求君子之所病也
道至孟子而著至朱子而又著希聲絕響超見獨識意領

而神會若是其難也朱子鄉先進也以吉以朱子爲至朱子學焉吾家江陵邵州忠義之祖也嗣先嗣宗又孝義之祖也以吉以祖爲至其假外求哉昔張魏公巍然物望教南軒以仁義忠孝古聖賢自期其後南軒友朱子博約詣妙遂厠道學之傳中丞諸子於以吉尤竒愛其教以吉當不異魏公不知相博約有如朱子否也夫無其人有其書有其心焉耳夫人則固在也速効銳進中道而止與偏而整事君子者弗由也吾於以吉隱乎哉語以吉語達也

聯桂族範

凡林子孫父慈子孝兄友弟恭夫正婦順內外有別尊幼

見素集卷之二十八

著

十四

有序禮義廉耻兼脩四維士農工商各守一業氣必正心必厚事必公用必儉學必勤動必端言必謹事君必忠敬居官必廉慎鄉里必和平人非善不交物非義不取毋近聲色毋溺貨利毋親喪不葬細行不謹毋信婦言傷骨肉毋言人過長薄風毋忌嫉賢能傷人害物毋出入公府管私召怨毋奸盜刁詐飲博鬪訟毋壞名喪節災已辱先善者嘉之貧難死喪病疾周賙之不善者勸誨之不改與衆棄之不許入祠以共編詩禮仁厚之澤敬之戒之母忽

家範

吾林子孫父慈子孝兄友弟恭夫義婦順內外有別長幼

有序嫡妾有分子弟有學貧難相救昏喪相助各治一業
母干外事母好遊逸母學賭博母近聲色母涉勢利母信
婦言母及人過立志必希文爲學必仲晦居官必闕道處
鄉黨必彥方自期婦女必貞潔必勤儉必絕淫妬臣不事
二君女不嫁二夫以共綿忠孝之澤敬之戒之母忽

跋孝友堂卷

族弟賢卿稱孤時髮未總身無所棲無所恃爲衣食力學
以基母養以均飽其二兄令而歸僅市小屋磽确田數畝
合群從食之夫孝友植綱常而匡世化者也重所由出固
也又重所同出難賢卿之境又難也古者子弟分以業而
見素集卷之二十八
著
五
責成功時其入而量出之故可繼可久緝貞規垂令式五
世十世百世可也

孝友堂跋

李贊皇疲一生於平泉草木之間其遺戒有壞一草一木
者非吾子孫不知草木之不壞所以速李氏之壞也予素
不畜奇物安取敝敝然護植之勞與觀者之酬應哉善立
家者孝友維屬數百年呂榮公崔山南兄弟子孫之盛可
槩也贊皇移戒于是安有洛陽有力與梨園別墅之取者
哉詩曰謀之不臧則用是違吾閩憲使寧川周公公儀堂
名孝友取三家家法爲維屬地者噫得所貽矣

懷諸老二十六詩小引

正德癸酉端月二十又四日華亭定庵曹先生夢俊以玉
孟及編次 國朝典章合五經者一帙遺先生覺而報曾
孫生先生詩志喜錄以遺俊正德丙子夏也先生詩素名
筆精入妙人品又素高八十五歲人辦此三絕尤世獨見
持示子姪傳觀之至不可問冬之季始還寘架間得之甚
幸時久不作詩未敢擬和挾遊木蘭偶和得助喜二詩又
得壽先生二詩又得壽邃庵楊先生二詩暮歸又惟近時
林下大老深知與跡踈味合承相念者謝先生方石張
先生分庵劉先生東山儲先生殖庵皆已古人而山斗巋
然可望不可即者未能已尚慕離合之盛積數日又得奉
懷木齋謝先生守溪王先生楓山章先生洪洞韓先生休
齋沈先生九峰孫先生二泉邵先生綱齋戴先生西泉曹
先生與自述各二詩用道遙臆與吾衰之感而詞氣蕪索
重學落之悲名德素心今皆安在哉是月五日燈下某志

鄉飲酒跋

養老虞夏已然鄉飲酒義周備矣所以免於人禍也政教
之本也仁義接者也明尊長養老也故民知敬讓孝弟立
而國家安聖人制之孔子曰吾觀於鄉知王道易易也漢
鄉三老着在令甲逮顯宗始勤臨雍之拜我 聖祖德

青渙頒守臣祗服焉禮讓爲國乎何有近惟故事殆不足訓矣

題宋太祖擊毬圖

此陳董學峰湖家藏宋宮中本也元錢舜舉得而臨之其筆勢圓熟神氣飛動爲畫家獨品宋太祖太宗而下人誌之第不書何時事意未稱帝時也君臣同遊故不若是褻守信昭輔進固武流普謀國元臣與主對鞠失君臣體太宗觀鞠體亦非是責善父子難帝固英明主也自馬蹶悔獵言固易聽重以普帝所重耶昔韓退之諫張僕射擊毬以人馬勞佚壽夭爲喻唐僖宗自謂擊毬狀元優人石野猪曰恐堯舜爲禮部不免駭放普無愧退之無愧優人耶爲責備惜之

題邃翁贈幸庵卷

少傅楊邃庵公起神童壯猷茂學宿德鴻聲功華夷而表儀朝著幾先孤舉今天子虛懷以待 璽書存問使相屬上泰平起公屢屢焉公厚吳文定公劉忠宣公李文正公允道義許與者也公贈彭幸庵翁詩西涯去後誰知已南有素翁北幸庵翁精忠駿節舊德元功予不誠類也然亦繆公知己贈予詩有古道百年君與我之句昔昌黎友東野子東野爲類君實之於景仁翁殆景仁過之抑郭

有道河南友李元禮汝南友黃叔度吾夫子友子產於鄭
於衛友蘧伯玉有道邃庵未甘北面而尤於夫子願學也
吾二人四子何居謹立庵翁請質焉

跋趙松雪柴桑書畫

陶靖節先生白描小影凡十四書事跡如之相傳元趙文
敏公手作李龍眠本也畫格書品筆勢圓熟要非文敏不
能近世士夫家徃徃得之是本貳司寇吾友顏公梅田襲
藏本也或疑畫本之多要非真本予謂政不必真也二公
底裏故異文敏對靖節寧無愧容敢附手墨以備書前懿
繪處士逸像如此者謂無一真亦可也

見素集卷之三十八

著

六

切

盡我箴

族子以吉乞告歸復起爲御史來求言作盡我箴
與達與輅誦之

形化散殊萬彙一我我具天地叅焉維可御氣圍情坊心
繕性廣厚高明仁義中正脩辭立誠窮理盡敬博約會通
慎密鎮靜體生者德任道者身臨深履薄若對神明維實
維有歎焉若虛我恒不足人若有餘母曰人畏曷先畏已
澡刷彌縫緝熙敬止母曰責人而忘自責譎處陰籌醜好
奚擇我盡吾我稱物平施如度之度如衡之持我盡吾我
乾健坤順日進無疆動益以巽我盡吾我貞固弗貳素位

阜俗三義

而行夷險一致我盡吾我人維我先不我者天任其自然
巡撫都御史林 為阜俗事竊惟王政之大養生復性送
死而已然官府事泛難於徧施鄉曲情親易以時叩預備
有倉未足應朝夕之求郡邑有學未足周鄉閭之化近關
有漏澤未足使偏村下聚各歸於其土人立三義示爾齊
民胥勸互成裨我官政表厥之典三全其錄 盡特書幸
毋自沮以鼓舞大化會歸我 皇之極 盡盡 義者官為 扁 義之門二

義三義稱是社無富家 數戶明舉扁曰義社

一義倉照得江西預備雖設事頗具文當平甫基官乏糴

見素集卷之二十八

著

十九

本足應緩急尤屬義倉其割羨餘置別庾六百石四百石
量力而為一斗息二斗息視貧而定使同社絕生塵之釜
均舉火之家不償者不借既死者量免倘樂備下石尤利
博一鄉庶社倉祖仲晦之謀不勞官本義倉溥九韶之惠
可厚民風善無不報義在必行

一義學照得江西家攻儒業尚阻困窮囊澁學金竟安愚
賤懋建義學賴爾社人其延學行名師訓誨子弟館資師
贊專出本家口授經承泛及同社使貧家有育才之幸無
學課之憂學成資以儒服進于官庠倘師專較利則主另
擇明庶劉允迪義學嗣爾古風萬石君義門允多名士世

間好事毋讓人爲

一義塚照得江西風水賈禍拘忌停喪佛法流誣循習火葬仁及枯骨義塚是圍城居者量市近郊鄉聚者相觀平阜擴數畝便地惠合社貧民序列深葬表志氏名使生得近隣死得近穴倘仍助棺之費益加積善之基庶陳向瀨澤禔葬朽之周文危殯義塚贊掩骼之呂今天惟佑德里是稱仁

禁約民害

巡撫都御史林 爲禁約民害事訪得江西商民輻輳軍

校淆雜有等光棍喇嘍專一生事害人如蓼州等處牙行

見素集卷之二十六

著

二十 弄

經紀結黨合群得過者把持行市故阻客貨賤攬而貴賣名曰屯船貧難者哄弄孤客故尋事端掇籌而混貨名曰簽大會串同舖家瞞騙客錢名曰打夾帳傾銀匠上梅刮錫名曰畫絲抵搭沉鉛灌銅名曰包皮吊角校尉強買貨物包取腳錢把持河岸名曰把頭軍快指以巡邏私通盜賊詐害平人名曰綽露水在途爭鬪群兇助打名曰傍不忿提買貨物抵換原銀名曰撮包子秤尾抹膠黏帶碎銀名曰黏乾鵲舖行船家糶賣米穀手剎斗斛名曰打雞窩私結盜賊賤買贓物名曰接短頭遭風失火捨搬財物名曰趁闕打劫指稱衙門誣詐名曰撞太歲停住囚犯打點

名曰穿珠眼白身衙門營求勾當名曰野牢子跟隨坊甲
下鄉捉人名曰送喪吏農承差身死而弟姪頂冒名曰茅
鬼問革而隱匿復克名曰還魂書手久戀衙門掌案作弊
名曰主文攬納官糧買米私賣乾籌名曰趁倉擅入府第
保債勒取信錢名曰領頭捏寫詞狀教唆索錢名曰掉筆
頭爲造印信詐撥吏農名曰假布政此等民害里長戶長
社長社正推奸不舉巡捕巡司總甲小甲容情不拿本合
通究緣循襲之有年恐自新之無路姑記禁約爲此示仰
前項惡徒俱要改過自新本等生理應首官者首官改正
敢有仍蹈前非許巡捕巡司里長戶長社長社正總甲小
甲指實呈來從重問發敢有容隱通行追究使風俗還醇
奸僞無托若乘機挾仇報怨罪亦不私巡捕朔望具不致
縱容各民害甘結繳報湏至出給者

少保公文集跋

先大父少保公歿歷

兩都忠事

四聖寓內高其節緊崇其文章公亦慎所與著作百有餘
卷諸叔少司馬省吾翁錄二十五卷梓于百粵太史
恭泉黃公嘗編校之嘉靖壬戌莆罹慘禍家遭兵燹
版籍蕩於烟塵士大夫過莆慙之莫應祖懼前光過
佚旁求舊本至榕城得之大司農鍾陽馬公所藏者
公嘆曰名碩之生代乏多人莆稱文獻准專公為獨
盛生仰止舊矣讀其疏劾梁方引用僧繼曉則左道
者屏息抑寧藩府第易琉璃則逆萌者寢謀按權璫
私人李陽鳳于獄三封還

北溪集卷之三十八

跋

二十三

詔書追巨盜藍廷瑞據西蜀王武寇江右公單騎兩入賊
壘宣德意而撫之忠貞激烈循國忘身芳名與日月
爭光勲業與天壤共敝矧文章山斗品藻寓勵世之
機豈瑤華玉振之是飾宜亟圖之祖歸梓諫草七卷
民部尚書卽希齋柯公校之難餘力誦而止

穆宗登極南省岑公少谷疏薦補大父
卹典祖承

恩澤授

端官司簿

諸大老日索文稿祖抱隱憂及改

留都樞幕勗勉綬梓以少逋罪愆憶嘉靖乙酉省吾翁
梓是集于穗城今祖成是集于白下歲之合符誠不
苟矣續集諸姪度支正郎大黼捐俸梓之惟詩集尚
缺英子姓宦遊者續成焉

萬曆乙酉季冬臘日孫男及祖頓首拜紀于洪樞公署

先大父

宮保公生平著作幾四百卷少司馬山

孫 孫

太史希齋黃公嘗編次之諸父憲副寒谷公

其詩梓于衢少司馬省吾公摘其文梓于廣先
考大夫採其續稿梓于家雖地僻一隅其詩文
得流布滿天下壬戌之變作時版籍蕩在烟塵
海內名公多愛之索之視不能應命又懼前光
從茲遇佚祖不揣時訕謹錄奉 疏致為先登諸
梓以

宮保公忠

行 膈之所注也全

且圖益成之以

後改

竭力所

如 所未能亦竊仰

海內諸公有好

賢如寒谷省吾二公焉

隆慶元年季夏朔旦孫男及社頌百拜謹識

